

西華縣續志卷十三

文徵

內編 外編

志藝文而濫入詩文雜體章實齋氏永清志序譏之舊志舉公私文牘金石記載散韻各文舉而歸之藝文一門適為章氏所不取今藝文既依班書例專載書目序錄然則舊所謂文者佚諸曰於烏可積成卷軸冊帙者先民精神之表著者也即事即物發紓意見者先民精神之散見者也今舉其表著而佚其散見者可乎然則舊所謂文者收諸曰否今之志固以續名矣續則前之志悉仍舊貫固不必更勞鈔胥而為之志也然則於舊志人物不曾收羅複載矣乎曰然收羅前志人物者志邑人高山景行之慕廣述先賢所以啓發後人也姑舍舊文不予重載者續志之體宜爾且與人物相較有先行後文之義也然則其取之也奈何曰截自舊志以外名人達士之所作其遺漏者吾得而掇拾之也截自舊志以後其發言而著篇者吾得而甄載之也然則說命洪範之文古聖哲所以垂道法而紱彝倫者其可遺歟曰斯經也揭日月而行軒天地而立吾不敢以為曾涉此土私為一邑之寵光而以文瀆之也兩漢之文吾不得而覩矣吾於晉唐以來人紀其名詩文各體共治一爐昔人選輯各本固未嘗置詩賦於文外也然則邑人之文與非邑人之文合諸曰否斯分內外篇內篇者邦

西華縣續志卷十三

文徵敘

開封建華印刷所承印

人君子緒論所垂文獻之徵端資杞宋外篇者吳客發楚原本山川賴治國聞違言異地斯鄆城縣記之論亦即鄆城縣記之例也嗟嗟殘簡斷什無非記言記事之遺片文隻字亦或土方訓方之助志文徵內外篇

文徵內編

殷融

上言奔赴山陵不須限制 奏并襄陽郡縣 顯贈刁協議 后父不應拜后議

殷允

石榴賦 與徐邈書 杖銘 祭徐孺子文

殷茂

上言宜令清官子弟入學 李太后服議

殷浩

易象論

殷仲堪

游園賦 將離賦 太子令 奏請巴西等三郡不戍漢中 與相王牋 與徐邈書 致謝玄書 答徐農人問 水贊 琴贊 天聖論 答桓玄四皓論 酒盤銘 合社文

殷仲文

罪譽解尚書表 南州桓公九井作 送東陽太守

殷琰

宣貴妃誄

殷淡

廟祠有故遷日議

殷瀾

請以廬江屬南豫牒

殷芸

與劉溉書 詠舞

殷鈞 答昭明太子 大言應令 細言應令

殷寅 河陽橋送別

王介重修城隍廟記

姚德溥玉皇廟重修碑記

胡然 七歌之一 戲答桑五文

劉景躍 業師蘇銓部抑堂出所藏古圖書共為鑑定得宣和舊本感而作 蜀警有懷康大參莊衢大參西華故尹也 過李玄白中丞却贈 聞李明府九疑公擢南儀曹

理邕和 與遠星共文學 送徐虞來冢卿還鄉 我菊為冢所戕三之一 沙水行 嚴霜行 大風喜姚聚之見過 赴楚初次洪橋 送仲雲之覃懷 寄杜君之 漁鼓曲 公雞謠 母雞謠

王鼎鎮 李起生壽文

吳中奇 戲答寒石理年兄侍姬練性代為製衣韻 送寒石理年兄之蘇州監紀浙直 別范方伯 呈帥府金老先生

王雲明 五雜俎七首 結廬 夷門 病中屬張仲誠志墓

王鳴佩 華邑尋夢自敘 輓胡湄園先生

王辰順 詠史 甲武岩青 適觀百一四吳叟有感

王汝甲 甲燈蛾文 跋春橋先生字册二 與 杭書 秋感

周仲遠 偉瞻卓然下第詩以慰之四首 九日聞家兄得孫口占四首以代家問 京邸同成都李翹然送張偉瞻歸里 秋夜同申 偉瞻送莊珮伯歸江南限韻 九日雨中同人集明月梅花草堂甲戌暮春自都門與曼叔

西華縣續志卷十三

文徵目

開封建華印刷所承印

十一 兄別已十年癸未冬初喜晤武昌行署感賦二律 舟中感懷 和郭相准贈別元韻 岳忠武祠

張登邦 善哉行 班婕妤 長相思 空城雀 短歌行 怨歌行 秋雨呈恆山先是恆山以新詩見示 漫興 示居燮 雜鴉 野園 寄內 冬夜漫興 送周恆山凌申亭暨家弟偉瞻北上 感懷 鶴埵 秋日招 丁敏吉周恆山飲 秋意 木蘭詩

張遠覽 碑幢問見錄序 賣鏡說 古歌 行路難八首錄二 陰陽有迭代十首錄二 怨詩行 劍客行 早發邯鄲 居孺殤寄家兄 居孺哀詩 大梁甲孟子賦 馮靜宇墓表

蕭麟德 高氏族譜重序 李衛公聞虬 客為扶餘國王與妻張氏洒酒遙賀詩以誌喜

凌去欺 穎陽河辯

劉保貞 遙災竹枝詞三十首錄五

凌甲烺 西華古續保存所徵啓 擬左太冲詠史六首錄二 詠史二首 李武愍公絕命詞刻成謹賦 諸葛武侯籌筆驛賦

張傳經 四時郊行 頌朱貞女

閻茂棠 題趙伯颺戰績

殷融上言奔赴山陵不須限制

司徒西遭屬王濛日周年為限不及者除名付之鄉論臣目為名教興于義厚忠孝發于自然不嚴而著不肅而成者也舊禮國有大諱外任不得離部冗散之人發哀公巷初無課限有不奔之制案永平初先帝稱宣帝遺詔乃不得令子弟詣陵唯蕩陰奔赴多不建乃始為

杖銘

二老晨征匪杖不遠四皓降趾匪杖不反翼德扶者匪杖焉資輔相天地匪賢而誰荃蕙雖秀才非貞質異端雖美道無玄術杖必不撓無取苒弱人貴一德勿惑穿鑿藝文類聚六十九又略見書鈔一百三十三

祭徐孺子文

惟太元六年龍集荒落冬十月哉生魄試守豫章太守殷君謹遣左右某甲奉清酌薌合一簋單羞再拜奠漢故聘士豫章徐先生惟君資純玄粹含真太和卓爾高尚道映南岳逍遙環堵萬物不干其志負褐行吟軒冕不易其樂時攜虛榻佇金蘭之眷千里命契寄生芻之詠非夫超悟身名遁世無悶者孰若是乎夫誠素自中微物為重蘋藻是歆實過牲牢藝文類聚

三十八御覽
五百二十六

殷茂上言宜令清官子姪入學

臣聞弘化正俗存乎禮教輔性成德必資于學先王所曰陶鑄天下津梁萬物閑邪納善潛被于日用者也故能疏通玄理窮綜幽微一貫古今彌綸治化且夫子稱回以好學為本七十希仰目善誘歸宗雅頌之音流詠千載聖賢之淵範哲王所同風自大晉中興肇基江左

西華縣續志卷十三

文徵

四

開封建華印刷所承印

宗明學校修建庠序公卿子弟並入國學尋值多故訓業不終陛下曰聖德玄一思隆前美順通居方導達物性興復儒肆僉與後生自學建彌年而功無可名憚業避役就存者無幾或假託親疾真偽難知聲實渾亂莫此之甚臣聞舊制國子生皆冠族華胄比列皇儲而中者混雜蘭艾遂令人恥之子貢去朔之餽仲尼猶愛其禮況名實兼喪面牆一世者乎若曰當今急病未遑斯典權宜停廢者別一理也若其不然宜依舊準竊謂羣臣內外清官子姪普應入學制日程課今者見生或年在扞格方圓殊趣宜聽其去就各從所安所上謬合乞付外參議宋書禮志一太元年國子祭酒殷茂上言通典五十三作太元十年

李太后服議

太皇太后名稱雖尊而據非正體主上纂承宗祖不宜持重謂齊服為安通典八十一隆安四年太常殷茂議

殷浩易象論

聖人知觀器不足曰達變故表圓應于蒼龜圓應不可為典要故寄妙迹於六爻六爻周流唯化所適故雖一畫而吉凶竝彰微一則失之矣擬器託象而慶咎交著繫器則失之矣故設八卦者蓋緣化之影迹也天下者寄見之一形也圓影備未備之象一形兼未形之形故盡二儀之道不與乾坤齊妙風雨之變不與巽坎同體矣世說文學篇注

殷仲堪游園賦

爾乃杖策神游目詠目吟落葉掩蹊果下成林

御覽八百二十四

將離賦

爾乃理轡杖策或乘或涉行悲歌目諧歡朗長嘯目啓路

藝文類聚十九

太子令

朝廷遂爲吾營室顧吾不才而大興役費深用愧惕冬氣已應作者殊常寒苦可使監殿舍人一月賚酒肉稱勞賜之吾蒙月俸錢上生塵無所用之可目供事

御覽八百三十
六引殷仲堪集

奏請巴西等三都不戍漢中

尙書下目益州所統梁州三郡人丁一千番戍漢中益州未肯承遣仲堪乃奏之曰夫制險分國各有攸宜劍閣之隘實蜀之關鍵巴西梓潼宕渠三郡去漢中遼遠在劍閣之內成敗與蜀爲一而統屬梁州蓋定鼎中華慮在後伏所以分斗絕之勢開荷戰之路自皇居南遷守在岷卬衿帶之形事異曩昔是目李勢初平割此三郡配隸州將欲重複上流爲習坎之防事經英略歷年數紀梁州目統接曠遠求還得三郡忘王侯設險之義背地勢內外之實

西華縣續志卷十三

文徵

五

開封建華印刷所承印

盛陳事力之寡弱飾哀矜之苦言今華陽又清汧隴順軌關中餘燼自相魚肉梁州目論求三郡益州目本統有定更相牽制莫知所從致令巴宕二郡爲羣獠所覆城邑空虛士庶流亡要害膏腴皆爲獠有今遠慮長規宜保全險塞又蠻獠熾盛兵力寡弱如遂經理乖繆號令不一則劍閣非我保醜類轉難制此乃藩扞之大機上流之至要昔三郡全實正差文武三百目助梁州今浮沒蠻獠十不遺二如逐食鳥散資生未立苟順符指目副梁州恐公私困弊無目堪命則劍閣之守無擊柝之儲號令選用不專于益州虛有監統之名而無制御之用懼非分位之本旨經國之遠術謂今正可更加梁州文武五百合前爲一千五百自此之外一仍舊貫設梁州有急蜀當傾力救之

晉書殷仲堪傳

與相王牋

奉所賜馬鎧既足以獎厲懦心又目光華遠任

御覽三百五十六

所致玉佩光潤清越

御覽六百九十二

與徐邈書

后者婦人之貴號在妻則言后在母則加大禮天子之妃稱后關雎曰后妃之德后妃二名其義一也設使皇后處內貴妾必不可稱妃

通典七
十二

致謝玄書

胡亡之後中原子女鬻于江東者不可勝數骨肉星離荼毒終年怨苦之氣感傷和理誠喪亂之常足目懲戒復非王澤廣潤愛育蒼生之意也當世大人既慨然經略將以救其塗炭而使理至于此良可歎息願節下弘之目道德運之目神明隱心以及物垂理以禁暴使足踐晉境者必無懷感之心枯槁之類莫不同漸天潤仁義與干戈並運德心與功業俱隆實所期于明德也頃聞抄掠所得多皆採樵飢人壯者欲目救子少者志在存親行者傾筐以顧念居者吁嗟目待延而一旦幽繫生離死絕求之于情可傷之甚昔孟孫獵而得麇使秦西目歸之其母隨而悲鳴不忍而放之孟孫赦其罪以傳其子禽獸猶不可離況于人乎夫飛鴉惡鳥也食桑葚猶懷好音雖曰戎狄其無情乎苟感之有物非難化也必使邊界無貪小利強弱不得相陵德音一發必聲振沙漠二寇之黨將靡然向風何憂黃河之不濟函谷之不開哉

晉書殷仲堪傳

答徐農人問

徐農人問殷仲堪曰禮服高祖父母齊縗三月若其父承重者爲當服周爲故自服其本服邪若服其本服不目父重而增者假如元孫持高祖重元孫之子來孫本都無服父服三年而子吉服俱非喪紀差降之義若來孫本無服而今有服則曾元孫宜目父承重而加也進

西華縣續志卷十三

文徵

六

開封建華印刷所承印

退迷惑不知所行殷答曰祖父在而祖母沒則父服厭周祖父後亡則父服三年而孫之服一定無變是知孫之于祖自有正服不目父服爲升降又疑元孫承重來孫無變案禮記有子姪之服苟思盡親異縞冠元武非爲無變矣徐又問曰父在爲母雖服目周斷至練禫廬杖大制無虧故孫得遂其本服若父出後降祖在不杖周則孫不得同父之服明矣若父還反重又當從父升亦明矣如此升降由父不得恆自定也未有斬服不異至親而子正制三月之外或都無服者也他人同纓而爲之總縞冠元武微廁吉飾求之五服故爲無變他人之不若此所大惑也殷又答曰父在爲母先王明義屈之目周服而情未有異也哀親故寢苦由毀瘠杖而後起創巨痛深弗可頓奪故漸之目祥練申之目禫月此蓋有不變其本則降矣子有降而孫得遂仲堪所謂不隨父升降者也

通典九十六

水贊

大象無形氣目分籴淡淡冲津質有雖虛清瀾可瀨明激弗渝孰能懷之汎然摩拘

藝文類聚八

琴贊

五音不彰孰表大音至人善寄暢之雅琴聲由動發趣目虛乘

初學記十六藝文類聚四十四作虛深

天聖論

天者爲萬物之根本冥然而不言百姓生而不有其功萬物成而不疲其勞聖者承天之照用天之業聖宣其道也

初學記十七

答桓玄四皓論

桓玄在南郡論四皓來儀漢庭孝惠曰立而惠帝柔弱呂反凶忌此數公者觸彼塵埃欲以救弊二家之中各有其黨奪彼與此其讎必興不知匹夫之志四公何曰逃其患素履終吉隱曰保生者其若是乎曰其文贈仲堪仲堪乃答之曰

隱顯默語非達賢之心蓋所遇之時不同故所乘之塗必異道無所屈而天下曰之獲寧仁者之心未能無感若夫四公者養志巖阿道高天下秦網雖虐游之而莫懼漢祖雖雄請之而弗顧徒曰一理有感汎然而應事同賓客之禮言無是非之對孝惠曰之獲安莫由報其德如意曰之定藩無所容其怨且爭奪滋生主非一姓則百姓生心祚無常人則人皆自賢況夫漢曰劍起人未知義式遏姦邪特宜以正順爲寶天下大器也苟亂亡見懼則滄海橫流原夫若人之振策豈爲一人之興廢哉苟可曰暢其仁義與夫伏節委質可榮可辱者道迹懸殊理勢不同君何疑之哉又謂諸呂強盛幾危劉氏如意若立必無此患夫禍福同門倚伏萬端又未可斷也于時天下新定權由上制高祖分王子弟有盤石之固社稷深謀之

西華縣續志卷十三

文徵

七

開封建華印刷所承印

臣森然比肩豈瑣瑣之祿產所能傾奪之哉此或四公所預于今亦無曰辨之但求古賢之心宜存之遠大耳端正本源者雖不能無危其危易持苟啓競津雖未必不安而其安難保此最有國之要道古今賢哲所同惜也

晉書殷仲堪傳

酒盤銘

節有宜

藥惑最

禮

體

狂

觸

藝文類聚七十三

爲酒悅

醉德惡

合社文

夫社之爲祀遠哉故大夫曰成羣斯禱里社之興由來尚矣自喪亂流遷舊俗隳廢今二三宗親思桑梓之遺風尊先聖之明誥潔齊牲牢庶乎自古以來一日之澤然三人之行必有其師故優選中正立三者惟公理曰御衆稽舊章曰作憲

御覽五百三十二

殷仲文罪讐解尚書表

臣聞洪波振壑川無恬鱗驚飈拂野林無靜柯何者勢弱則受制於臣力質微則莫曰自保於理雖可得而言於臣實非所敢喻昔桓玄之世誠復驅迫者衆至於愚臣罪實深矣進不

能見危授命忘身殉國退不能辭粟首陽拂衣高謝遂乃宴安昏寵叨味僞封錫文篡事曾無獨固名義日之俱淪情節自茲兼撓宜其極法日判忠邪會鎮軍將軍臣裕匡復社稷大弘善貸佇一戮於微命申三驅於大信既惠之日首領復引之日繫維於時皇輿否隔天人未泰用忘進退惟力是視是日僂俛從事自同全人今宸極反正惟新告始憲章既明品物思舊臣亦胡顏之厚可日顯居榮次乞解所職待罪私門違謝闕庭乃心愧戀謹拜表日聞臣某云云

文□晉書殷仲文傳
藝文類聚五十四

南州桓公九井作

四運雖鱗次理化各有準獨有清秋日能使高興盡景氣多明遠風物自淒緊爽籟驚幽律哀壑叩虛牝歲寒無早秀浮榮甘夙隕何以標貞脆薄言寄松菌哲匠感蕭晨肅此塵外軫廣筵散汎愛逸爵紆勝引伊余樂好仁惑祛吝亦泯猥首阿衡朝將貽匈奴晒

送東陽太守

昔人深誠歎臨水送將離如何祖良遊心事孱在斯虛亭無留賓東川緬逶迤

殷琰宣貴妃誄

嚴位服於旗容尚徽諡於銘策節哀路於蕭鍾齊行鏢於輶翟

御覽三百五十八

西華縣續志卷十三

文徵

八

開封建華印刷所承印

殷淡廟祠有故遷日議

曾子問日蝕太廟火牲未殺則廢縱有故則使人清廟敬重郊裡禮大故廟焚日蝕許日可遷輕哀微故事不合改是日驟鼠食牛改卜非禮晉世祖有司行事顧司空之改郊月既不見其當時之宜此不足爲準愚謂日蝕廟火天譴之變迺可遷日至於舉哀小故不宜改辰

宋書四大明三年十一

禮志月殿中郎殷淡議

殷瀾請以廬江屬南豫牒

潁川汝陽荒殘來久流民分散在譙歷二境多蒙復除獲有郡名租輸益微府州絕無將吏空受名領終無實益但寄治譙歷于方斷之 實屬南豫二豫亟經分置廬江屬南豫濱帶長江與南譙接壤民黎租帛從流送州實爲便利遠踰西豫非其所願郡領濶舒及始新左縣村竹產府州採伐爲益不少府州新創異于舊藩資役多闕實希得廬江請依昔分置

南齊書州郡志上永明七年南豫州別駕殷

瀾稱云云尚書參議宜依所牒詔可

殷芸與到溉書

哲人云亡儀表長謝元龜何寄指南誰託

梁書任昉傳昉出爲新安太守卒於官舍陳郡殷芸與建安太守到溉書

詠舞

斜身含遠志頓足有餘情方知難再得所以遂傾城

殷鈞答昭明太子

奉賜手令并繆道臻宣旨伏讀感咽肝心塗地小人無情動不及禮但稟生疴劣假推年歲罪戾所鍾復加橫疾頃者綿微守盡晷漏目亂玄黃心迷哀樂惟救危苦未能以遠理自制薑桂之滋實聞前典不避梁肉復忝今慈臣以何人降此憂愍謹當循復聖言思自補續如

脫申延實由亭造

梁書殷鈞傳

大言應令

噫氣爲風揮汗成雨聊灼戴山龜欲持探邃古

細言應令

汎舟毛滴海爲政蝸牛國逍遙輕塵上指塵問南北

明王介重修城隍廟記

洪惟我朝太祖高皇帝受命龍興奄一海宇旣建官設職布列內外以分理其陽親庶事總百 共成維新之治又自兩京以 省之郡邑統建城隍神道以分主其陰而血

西華縣續志卷十三

文徵

九

開封建華印刷所承印

食于世蓋慮夫官吏或廉貪之不同民生或善惡之不齊其賞罰黜陟 不能無遺珠漏

網之 聽之 以殃俾幽明相倚善其勉而不善者勸以還唐虞三代之治而隆帝

王萬世不拔之基於無疆焉是是惟朝家建置之意也西華縣城隍廟貌亦額設之一其始

基 惜規模狹隘不足以壯 而崇賽禱寥寥百餘年間鮮克舉之者至弘治辛

亥歲鄉耆田景張瓚牛本義官張瑄等卽焚香誓心首倡厥事度材 功 越明年

廟寢成 自是而又再舉正德五年也東西兩廡之構道院之營木工

盡其能畫工盡其妙皆不踰於矩堂室阿 之制至是始大備矣 其功則 君忠居

多社民劉 程式則贊襄左右焉惟廟孔碩惟神孔安惟威孔嚴格之斯來叩之斯應孰

得易而犯哉是以四境多 賴其靖之雨暘弗時賴其 之災青或至賴其弭之善人載尸

賴其揚之邑多姦宄賴其除之里有強梁賴其鉏之爲子不孝神將誅之爲臣不忠神將殛

之凡此皆順天理而合人心裨益 其或貪者諂而求榮惡者罔而

求全淫者瀆而求福固亦有此昏愚之甚豈知神之爲神一闕一十八人咸肅揖至再請言

以記余嘉其敬因以事神之正告之

姚德溥玉皇廟重修碑記

詩之頌上帝者不一而足傳曰上帝天之主宰也玉皇其上帝之徽號乎王者祀天於郊有圓丘而寫廟貌我將之詩宗祀文王於明堂以配上帝則明堂固祀天之廟貌也郊天無廟享帝有廟玉皇廟其棲上帝之所乎禮惟天子祭天諸侯而下不得而干焉垆鄙置廟將無以民氓而祀天耶如是則褻天而瀆神矣詎不獲罪於天乎郊天地者必大路升中犧牲粢盛袞冕黼黻無一不備而後謂之祭若閭閻闖之中愚夫愚婦聯社積貲而構之宇捧土飾金而肖之像朔望焚香水旱請禱不過感天地生成之德而圖報於稽顙叩頭之祝呼也祭天云乎哉且望丹碧之巍峨而氣斂瞻旒黠之璀璨而神竦將惡念日銷善念日生凡是廟爲子者必且惴惴然慮我有未孝而見罪於天乎爲人弟者必且惴惴然慮我有不恭而見罪於天乎爲人尊長者必惴惴然慮我以尊陵卑以長暴幼而見罪於天乎爲民庶者必惴惴然慮我有逋負國稅違犯法律欺藐官長而見罪於天乎爲婦女者必且惴惴然慮我有逆舅姑陵夫子與叔伯妯娌相爭相讎交相爲瘡而見罪於天乎凡恃勢吞噬單寒陰謀阱獲良患者惴惴然慮我之從前過端難逃天之鑒觀自此瞿然驚憬然覺洒然易慮乎是則稽顙叩頭而祝呼也神不罪其褻且瀆矣傳曰齋戒沐浴則可以祀上帝其此之謂歟頑鈍之民多有不憚人非不惧請議不畏官刑而語之以神譴未有不胆寒膚栗者則廟

貌之建固神道設教之一端也廟在西華縣之西距縣治九十里許其地名曰流營村西則臨潁縣之接壤三家店也廟勅建不知昉於何時閱歷歲日已久日漸頽圯有住持道士賈本桃者與生員邵廷秀鄉耆張大寶生員邵揚休義甯府輔國將軍在鎮鄉民邵希楷邵慨邵就邵復整邵蘊素等或執簿募化或出貲協成度其基址合水陸之地厥畝惟叁其奇有六分從爲丈者十有五衡爲丈者十有三屹然東峙者玉皇廟也爲楹者五爲架者七玉皇至尊無對乃並坐之神有二問其道士爲何神則曰左爲南極右爲紫微不知果可與玉皇並列否然其由來則已久矣廟前五楹五架曰拜殿又前三楹爲大門因廟附建者廟之後曰三清閣左爲東嶽廟右爲玄帝廟皆南嚮左右爲廊者各五楹十閣君分列焉東廊之北曰天仙聖母廟爲楹者三俱西嚮西廊之北一楹爲龍王廟龍王廟之北三楹爲廣生祠俱東嚮門之左爲火神廟一楹鳩工在天啓五年始於仲春之前後於孟秋之望趨工施財者姓名各悉碑陰是爲記

胡然七歌之一

有兄有兄字吉甫早年事業期伊呂東西黨援氣如虎內外紛爭嘉謨阻玉石一概逐飛塵回天之力從何補於乎二歌兮歌思長冷雨淒風斷雁行

戲答桑五文

十載孤吟悚下樓薛蘿何愧紫貂裘縱然衣敝黃金盡七字還堪傲五侯
劉景躍業師蘇銓部抑堂出所藏古圖畫共爲鑑定得宣和舊本感而作歌

止聞名墨誇吳手不知大梁爲畫藪御府法書鷹載來真蹟非復東南有宸翰淋漓錦繡香
展來光怪動修牀人物細描瘦筋體立本弟兄相雁行九重一代備騷雅筆硯披榮時揮灑
唐家羯鼓宋北轅此等又當別論者古人精藝動絕倫玉盞重拋洒幾巡梅花又報開西閣
雪裏蒼膚斧劈皴

蜀警有懷康大參莊衢大參西華故尹也

天際望峨眉年來聞在越成都可破圍舉國愁橈杓所幸遠從官萬金保骨肉區區國士腸
千里阻東發安得併滇黔整師急戮伐

過李玄白中丞卻贈

黃河三日到天雄舊識龍門刺一通杯案共溫刁酒月扳留不爽趙人風憂時羽檄飛榆塞
羈宦風塵痛梓宮抵掌實慚天下士重勞折節話籌戎

聞李明府九疑公擢南儀曹

西華縣續志卷十三

文徵

二

開封建華印刷所承印

越海高鴻久不聞嘉湖馴鷺未貪羣昨驚粉署東南麗轉憶丹楓夢寐殷著作五千推柱史
畫圖一二識將軍却慚傲骨長貧賤愛傍青山臥白雲

理鬯和與遠星共文學

老親翁利賴一方生成桑梓凡有口者俱能言之况弟事靡鉅細時靡常變閤室依爲性命
言感言報其爲丈夫也只尺矣今上正位之初卽思爲親翁疏白發揚積休曾請教孟津孟
津止之謂銀臺封投太易己兩奉嚴綸回語言之不納徒煩勞擾因而中輟禹烈赴官在弟
未到金陵前是以緇好雖切阜囊鮮權負此幽獨耿耿莫宣屬陳玄倩老公祖入弟將老親
翁鴻才善氣備細言之陳公祖極道品行凡寨中事洞如觀火謂曾經過其地縣西一帶諸
寨唯文昌有弦頌之色比陳公祖再過南都是爲十月初頭蓋大札到後半月矣弟再見陳
公祖道老親翁聞特簡之命而喜躍非常且日夕引領望節鉞之至生成殘黎不翅嬰兒之
思慈母陳公祖爲一開顏老親翁此際或亦功名機會况奉有新旨殘破地方本省人才卽
爲本省官僚但不許同府且秀才卽可除知縣亦不必定功貢在老親翁靜裏自作主張耳
若弟之愚見則以官下勞攘萬不如窗下清貴且吏道多端大難明言鄉貢兩等人便是甲
榜眼中釘肉中刺嫡妻中妾媵其賤惡而辟傲惰而辟一種腔調模樣有什伯千萬于惡打

劣罵也者不剪黜吐棄不休自非粧瘞推疊盛德如婁公模稜頑鈍如馮道必不能一日安其位弟爲七十餘歲老親靦顏一出看來一年半載自可掛冠中原丘隴關心倘得烽火恬寂返棹有期與親翁秉耒綠疇作沙水茅城閒一對長沮桀溺豈不勝折腰貴人前浮沉輾塵馬蹄耳弟以倔強暗昧之性作吏不但不達又看不上大紗帽人一段驕態他既嫌我又嫌他所謂君平厭世世厭君平此等怪物不惹禍招裁無稅駕地弟捐身出門已是拚此七尺入岸扉請室之中矣思及此邴得不寒心也禹烈已陞尙寶旋都時將尊事澈底商量一番

送徐虞來冢卿還鄉

承天資八柱匠石屬老成鳳舉歛千里何堪惜鴻冥維聖占言遠楓降覺涼生豈不戀靈修蛾眉悔雙弓寶茲顏如玉乃以慰蒼穹東山雖雲臥良弼夢可通姬旦念翹室風雨發金滕一朝魚水契九罇薦衰榮奈此光儀隔頓歌重行行關山恨縣邈莒羊誰見稱春暉還在眼寸草有餘情恨不操几杖巖岫討遺經

我菊爲冢所戕三之一

賈生死梁傳汨羅沒屈原才大用未殫天意不可尋楚庭與漢室狐鼠演成羣窖頭過身者

西華縣續志卷十三

文徵

二一

開封建華印刷所承印

握篆何紛綸而此英雄士棄置乃不存俛仰千秋淚感激誰能任自非氣數乖造物厥亦仁小兒舐蜜劍斯人耽苦辛能修名且橫猗嗟二子身歎吁掩當代適以撻陳人笑啼矚羅織痛哭復行吟隄防之疎闊吾鼎自不珍未學工作媚罪辜欲何云媿娟飽鱷蟻猙獰佩玉金世界自爾爾無事讐蒼旻不見東籬下有豕鬻菊根高原多雨露反以榮荆榛

沙水行

有敘

沙水事千古有餘恨焉予讀書河嶼者三年未嘗不爲之子攷淚也作沙水行

沙水奔波太放肆拍天浮空流粉膩非關水色變妖豔中間強半美人淚莫驚美人淚波奢但使聞者俱捉鼻美人生長在河干貌摘芙蓉氣吹蘭梳頭不羨靈蛇髻十指織錦羞齊紈冰心嫌玉壺未潔嬾題紅葉付鳴湍造物到此不曉事飛擲春光三十次羨人遮莫金石心偷向花間罵春意誰遣歸妹華燭筵縹緲雲影送風鳶阿翁自詫好丈夫云何偃蹇兒女緣東家西家託蹇脩南村北村鏡臺傳豈無葛勃童子鴻搖頭捋鬚不肯然天桃紅破春風樹標梅惱殺錦繡年蛇蹉跎蹉復跎蹉零落胭脂褪睡眠阿母絮語唇舌爛一味暮酒醉嫵娟鄉鄰 hands 共相指有靦更費買笑錢美人無復白茅夢自數生平血淚漣少小頗會繡鴛鴦鍼蹊線脚欺毫芒繡成鴛鴦駭神物一年只繡一兩雙而今簡點篋笥中約略百隻浴銀塘

鴛回首問美人何時著我拜姑嫜美人低頭臉稍頰緘恨行于河隄傍怨氣鬱蒸雲雷怒風霧淒迷淚萬行蛟龍激烈噴薄起羣鬼號咷雨浪浪沙水陡然濺射惡濤飛砂滾圻大荒幾度甘爲河伯婦只愁阿母魂魄傷寄語人間蚤嫁女尸祝乃翁莫相忘

嚴霜行

嚴霜威毒殺羣木征夫履冰走僕僕一飢不飽十餘年文章翻以添敗衲猶憶少小結髮初拍空雋氣長轟轟豈知一跌復再跌人間從此無骨肉天涯顛賴鄉夢多鄉夢鄉魂重重複回首墳墓荒烟中愛我朋輩在我腹愁病參雜心靈稿未到四十鬢已禿蓬蒿蒼苔冷土堆是我手闢之茅屋白日鼠鬪蠹魚爭是我手鈔之書牘偃曲折礪野人薪是我手種之花竹茫茫舊事如隔世全身不瘦惟雙目萬感摧胸隱忍難欲語縮舌知者孰銜閃踟躕沙水涯流波浩蕩驚相逐可憐沙水有涸時淋浪客淚天潢覆只恐淚下沒盡世上人抵死吞聲未敢哭

大風喜姚聚之見過

風壯藏千怪孤村晝掩關何人專意氣竟爾破寒暄酒薄難成醉情深欲廢言賣餘殘籍在細向燈前翻

西華縣續志卷十三

文徵

一三

開封建華印刷所承印

赴楚初次洪橋

費盡高堂淚纔離烟水村岐多懶問路裘敝全無溫塞外關山遠撥愁簡表存寒鴉驚別緒作意叫黃昏

送王仲雲之覃懷

馬首凌寒瘦不勝憐君客路苦登登千山仙跡屬王晉三世通家歸李膺把臂西窗澆塊壘豁眸北望出峻嶒玉壺空澈清於洗好貯黃河萬丈冰

寄杜君之

水漲沙河激浪深榜舟未放過西村人間幾副真肝膈我輩一生共夢魂別後有懷悲楚壁燈前起舞悵夷門相看旅髻垂垂老那可長愁無笑痕

漁鼓曲

男兒猛頭顱大滿肚皮忤時宜惹得小兒罵狂來砍斷葛籐根憊倒甘輸乞兒下阿彌陀佛親摩頂閻羅老子許給假得意處虧了癡頑纔說時忘了話靶這也休牽那也休掛哈罷且聽漁鼓鼕鼕乍乍鼕鼕乍說來鬼也怕眉毛在眼前尋到天之涯到天涯你還是你他還是他鼕乍乍鼕鼕乍世事如嚼蠟勝着是敗着開花是落花提起來把老漁郎嘆息殺嘆古

今一場夢睡老拳頭很一很把這夢兒打的粉碎打碎夢兒從新補綴說與那有耳朵漢子和他遊戲三昧怎的新年偏是正月一怎的親熱偏是兒和女怎的活人偏會弄舌頭怎的死人偏會沒了氣怎的俳優登場也恁尊怎的乞兒吃飽也不飢李老君太淘氣孩子家白了髮鬚釋迦佛到爽利一頓刀子光光掃除大成至聖老菩提辛苦一生費盡心力他都是各自顧各自孩子們鵲突茶嘴上安嘴這亂麻窩到惹得玉皇爺爺繃了眉又搭上逞強的數不盡嚙睜鬼笨郎君渾身臊小學生兩臉墨雜貨鋪件件有十不閒樁樁會削脚篋頭殺豬宰牛恩人廝湊冤家迴避齊攢亂扯把一個空地地方湊成集好酒的打箇平伙爲嘴的哨箇酸梨青樓上小蘭哥打扮的很標致抵抵鬢抖抖衣拉幫客趁親戚三三兩兩瞧他去纔轉眼多早晚不打想恰日夕疾忙回家已是昏黑矣孩子老婆吵鬧也無明晦空撒下靜哨哨一片街坊月如水枕兒上齣齣正喘息無情鐘撞起催梳洗年年歲歲蜂兒阿忙刮刮醞釀成人家蜜蠶兒阿亂哄哄催攢成人家機可憐那蓑草白楊送你到漫坡裏熱功名大破着二萬日還不如老圃畦間一葉薺燈到心銀鏢子與天齊還不如母豬圈頭一星秕偌大英雄好把戲到這會落得箇葫蘆題算來這犁耙繩索也享不住詩云子曰也當不的燒香打卦也沒把鼻休丟精細那箇墳頭是愚鬼休逞氣勢那層地獄非賢輩挺脖子强的到先

西華縣續志卷十三

文徵

一四

開封建華印刷所承印

做了鬼輓似膿團的黃金攢成櫃媚似狐狸的轎上虎堆堆青史上名字棖死了白魚那沒人樣的蓬蒿幾萬尺也不知長在那一代老先生頂瓜皮到不如拍手笑呵呵抹殺些是非你吃素莫怪他肉醮蒜汁你吃茶莫怪他滾煎白水蠻的獠的皆齊語瞎的聾的都伶俐長的短的一般齊一個豆子大似天和地誰起製塵嘈嘈姓張與姓李張三休說李四猷李四休說張三癡磨扇兒分甚麼高低車輪兒爭甚麼東西熱時節一把蒲葵冷時節幾片綿絮湯武會打拳堯舜作個揖傍脚跟效顰啼笑殺了東施姊妹堪涕泣首陽山窩一夥莽盜跖東陵路藏幾位瘦伯夷猛提起老漁郎幹得事兒好蹺蹺不吃飯時常飽越噎飯越忍飢蹺蹺蹺蹺大睜着兩眼敢把誰來欺醒來時笑破了賈誼口聽將去滴盡了彌勒淚纔待哭時忽地笑影子兒將人鬧送你個大虛空搖着頭兒說不要枉教人打碎漁鼓直到日出時纔知是曉

公雞謠

規進學也

公雞叫母雞叫各人尋着各人要阿姊難替阿妹哭大哥難粧二哥笑你替我喫飯我替你睡覺金剛懷胎夜又俏須彌倒把膿團靠公雞叫母雞叫

母雞謠

刺量小也

多大多大大平空裏得了個天下喜的渾身臊也乍生平不敢高聲語此日長鳴誰我怕欄杆搜來笑嬉嬉看來還輸鴨卵大君不見東海神龍生九種靈怪出沒無可那何嘗一字向人說

王鼎鎮李起生壽文

古良醫之功比於良相相之所以燮理天下曆斯世於難老之域者也而醫比之醫之爲功大矣哉然業以醫比相矣則是論醫亦如論相蓋嘗言之醫有明而不良者則李林甫之曠騎以誤唐也魚書旣停神氣消矣醫有良而不明者則王安石之新法以誤宋也青田旣稅元氣削矣然則何如必也其皋夔乎論醫者亦若是焉則已矣余家有病延醫二月而不痊無他時之損不足則不明加以執拗焉則不良耳客自東來爲余緩頰澱疆有李起生者隱君子也中有實用外無間言延陵季子外恐鮮其儔卽以醫論亦秦越人伯仲間焉余聞之喜急延之投劑遂有蘇色調攝兩月迺痊愈因悟曩以徇名幾於自誤認一漚以畫瀛海駭方相以當洮人余其有蓬之心哉子大夫安在何相見之晚也竊維醫以活人良者亦多所難者明耳審病未明不可以問藥也陰陽表裏虛實補瀉之不辨雖古方亦足誤人審藥未明不可以問病也君臣佐使寒燠溫涼之不辨雖小病亦足以階厲許徹宗曰醫者意也

西華縣續志卷十三

文徵

一五

開封建華印刷所承印

思慮精則得之吾意所在口不能言也若起生者其有意之法乎以意用法或窮而意通之以法用意或窮而法通之猶是補也補所宜補猶是攻也攻所宜攻引而伸之豈亦進賢退不肖之意乎猶是補也補或兼攻猶是攻也攻不廢補引而伸之豈亦仁可過義不可過之意也相天下亦如是醫此其彰彰者矣不腆一芹登堂稱觥願先生陰德所積後世必有作三公者

吳中奇戲答寒石理年兄侍姬練性代爲製衣韻

香惹芙蓉肯教嫌綵毫尺綉一身兼裁成飛帛擬雙鳳剪就寒襟羞並鱗仙韻愛吟花外絮高才不通空中鹽纖手解憐客子冷知將憔悴到眉尖

送寒石理年兄之蘇州監紀浙直

參旂聯蜨咨文衡雪冷梅花出石城浙右風雲漸虎竹吳門烟雨送高旌天開金鎖連江曙月映冰壺鎮海營借手東南一報主可堪爛醉月華明

別范方伯

奎分推齊魯郁郁垂冠裳維君開科第起家自東昌窮經首四始惇德合五常初命分部署名高白玉堂臬旌臨楚岫奸宄避鋒芒凜凜大名道畿甸重巖疆中原急財賦坐謀策大梁

黃河天下水勳業著青緇朝廷注方面承恩借平陽不畏強禦者稜稜骨如霜媿彼繞指柔
挺挺百鍊剛於今方多故坐對紫薇卽十年布政使四海一空囊我今歸汴里君且留豫章
彈琴理別緒明月照銀潢

呈帥府金老先生

大師態寵出關東迅掃羣氛奏膚功汗馬身經數十戰鍊衣片片夏秋風江右安瀾幾百載
四野桑麻景色改王師六月渡江州溼蒸棗鞬壓銀鎧義旂指處負天戈章水東流靜逆波
一朝天子三錫命南向蠻天下尉陀余 落落寂無名將軍揖客重儒生不能隨君羅浮去
匣中短劍作龍鳴

王雲明五雜俎七首

五雜俎機中素往復還繪綉錯不得已付質庫
五雜俎黃金吞往復還驕圭瓚不得已擲虛牝
五雜俎盈尺龜往復還侶靈蓍不得已負豐碑
五雜俎潑刺魚往復還蛟龍徒不得已肆中居
五雜俎懷中刺往復還漫滅字不得已投三事

西華縣續志卷十三

文徵

五雜俎輪轅輻往復還燕與蜀不得已折其軸
五雜俎戴角鷹往復還扶滄溟不得已狐兔盟

結廬

結廬縣城西習陽名亦好流水環高岡茅屋出林表門臥引犢牛階躍將雛鳥前臨二頃田
高下宜秫稻幸際太平時雨暘無旱潦素心兩三人藜杖時相造家釀正堪酌心親不在貌
日入霽魄升遙林互娟妙吾意正陶陶白髮寧知老

夷門

落葉斜陽裏夷門蹟尚存侯嬴嗟已老惟有死酬恩

病中屬張仲誠志墓

鴻爪雪泥豈久居長卿身後更無書故人不吝幽房誌免使人談賦子虛

王鳴佩華邑尋夢自敘

舉世皆夢也夢何足尋雖然有當場之夢有過去之夢當場者音問往來綢繆燕會賞心快
意中不覺爲幻過去則感觸悼嘆懷想追維有不能自己者烏得不尋尋之如何搜其遺稿
而存之吾大父仲雲夫子是已先生夙癖詩書樂多賢友往來非文字相質卽詩笥寄贈每

一聚會頓令閭里生輝山川改色高談玉屑卽古人之蓮社不是過也晚歲賢友凋零獨先生康健寂寞中尋其所寄詩文恍然一夢欲再與諸君子促膝抵掌上下古今浩笑於花前月下何可得哉不得已集成卷裹以披閱當往還以諷誦當晤語亦以古人有尋夢之好故曰尋夢今先生往矣而世界亦易無論後先生而夢者罕與爲尋卽先生尋夢一書亦隨滄桑化去百年手澤蕩然一空奈何能無今昔之感亦何能不太息於名士之湮沒不傳而搜奇好古者之無人也於是踵先生之事尋先生之所尋並尋先生所未及尋惟恐先生之夢自我而忘更恐先生以後之夢不能如先生之不忘焉敢謂兵燹之後遂乏燼餘之堪搜手澤不存並無腹稿之可叩哉故逢人便問遇有卽錄歷三十年始得詩文若干雖其間不少失遺未足盡高明之長然有此亦至

學

傷焉爾

輓胡湄園先生

西風瑟瑟正重陽有客歸遊烏有鄉多病久憐同菊瘦絕瑟真個共入亡嗟殘李杜詩千首臥別蒹葭水一方誰道湄園秋色好傷心無不伯萍莊

王辰順詠史

西華縣續志卷十三

文徵

一七

開封建華印刷所承印

天大堯是則我聞惟茅茨禹奠山之高亦云宮室卑昏墊苟無然皇居非所知秦始騁雄力作宮於阿基上可坐萬人下建五丈旗二世起雲閣欲與南山齊天使秦三世南山亦爲低龍髯垂鼎湖牛腹得帛書少君旣化去五利亦續誅不知安期生棗大定何如異哉公孫言仙人好樓居迺作飛廉觀延壽與之俱有臺曰通天去地百丈餘稀星疑可摘飛鳥不得踰頰聞雷霆激焉能辨闔廬天子欲爲仙兆民欲爲魚

關西蔚儒宗厥有楊伯起奚以遺子孫清白爲刺史有人夜齎金光出懷袖裏冰雪宜共勵故人何乃爾豈謂暮無知天地我與予明照暗室中廉漾貪泉涖卻退持金出慚歎難自己弔武岩青

柳圃先生絳帳開泰山北斗何崔嵬從游諸子稱多才武君風調出塵埃門下康成人共推朗如新月映清淮顧余何幸得追陪八年款眷擬陳雷有時促膝共銜杯茫茫千古寄高懷自謂相好永不衰何期二豎忽爲災五日不汗歸泉臺亭亭玉樹土中埋合之令人肝肺摧維君家住城東隈安貧樂道守荆柴胸中綺繡燦成堆筆陣橫掃驚朋儕豪雋焉能滯草萊佇看駿足追龍媒我聞栽者天所培天之培植若是哉吾師一慟夫爲誰素車白馬送君歸

君歿千館中余及諸友送之歸葬

門前依舊夾雙槐可憐物是人則非殘帙剩藁絕恨芟家人拉雜燒成灰吁嗟

乎日光慘淡天陰霾蕭蕭四野哭聲哀斗酒隻鷄強徘徊舊遊何在首重回悲風颯颯從北來

適觀百一十四歲吳叟有感

嘉慶八年歲癸亥南陽九載此寒氈適來百十四歲叟景星鳳凰快覩先氏吳名試淮安籍

生是康熙廿八年少壯有志麒麟閣

康熙時
武進士

曰叟榮預宴稱千

曾赴千
叟宴

步雖須杖仍豐饒語尚

有倫不倒顛七十古稀今有此童顏兒齒髮皤然憶我慈親雙見背十餘寒暑遞推遷

余前
任考

城司訓迎養二親在署歲值存饑晨夕之歡仍是菽水焉爾乾隆五十一年丁外
艱扶襯歸里次年春卽有先妣之喪壽俱八十有二今去失怙時十有八年矣

蓬轉東西經七陌陟陔誰嗟

尙愼旃出銜恤兮入靡至有淚空灑蓼莪篇微祿叨霑君恩及爲養豈復逮生前風

搖樹動感存手澤與栢棬今如多壽年方百弄雖高堂別有天

王汝甲弔燈蛾文

松泉子挑燈讀書有物歛然而過燈幾滅視之則一飛蛾兩翅焦爛墮油中死矣余甚憫焉
作文弔之曰蝨蟲之屬繁爾微兮化生之族繁爾癡兮材不適於用而焚厥身兮肉不登於
俎而遭夫燔兮爾何不嬉於牆陰匿於草根兮胡爲昏夜而出慕光而載奔兮肖翹之物誤

西華縣續志卷十三

文徵

一八

開封建華印刷所承印

罹此憂兮趨熱之徒而乃效尤兮持苞苴而請謁處汙穢而不羞兮如望火之馬附炎之蠅
膝婢而顏奴兮朝遊金張之館暮宿許史之廬兮倖竊餘光傲物欺世兮豈知勢焰息滅載
胥及溺兮焦頭爛額靦然不悔悔亦無濟兮吁嗟蛾兮爾不如人人不如爾兮爾本無知尙
可解兮人而有知將焉諉兮

跋春橋先生字冊

右春橋余先生墨蹟春橋寶豐名宿爲予友薊杭從祖才氣高邁工書及畫與魚陵李南園
齊名先生家居魚陵之北香山之西築草堂三楹面峯負嶺日以烟雲爲供養牙籤錦暉法
帖名書輝映四壁先生寢饋其中左宜右有以故臨池染翰不名一家如食婁護五侯鯖但
知其美而莫名其妙余心儀已久每以未獲片札爲憾壬寅八月薊杭携先生手書冊頁見
惠亟爲披閱如渴得漿夙懷以慰因綴數語於卷尾藏之行篋以作他日佳話惜乎南園手
蹟不可得也如使兩美璧合不更屬快事乎薊杭勿以爲無厭而笑我得隴又望蜀也
予旣跋春橋先生字冊復索南園手跡於薊杭子薊杭子見而笑曰子誠無厭哉然吾聞君
子之道不拂人意釋氏之學如願相予僕雖無南園之書以應吾子之求請以南園尊父綠
園先生之書應可乎綠園書學顛米爐火純青筆與指化見重於世久矣然其中更有奇焉

者綠園所書爲琅琊王氏族望先生得無於數十年前預爲吾子書耶不然可書者正多而胡爲書此且其書不歸於他人而歸於僕似綠園默默中命僕留遺吾子也君家故物數當見還僕不敢自私焉予曰因春橋而及於南園因南園而及於綠園乞漿得酒此非數而何謝薌杭訖爰命館童洒掃書齋拂拭左壁肅衣冠以迓緣圍先生

與薌杭書

憶昔應舉夷門得與閣下把臂訂交自時厥後無試不相見無見不盡歡竊以爲有前緣也然三年分袂數日談心方承燕笑旋賦驪歌則雖有緣而每恨其太促抑知天之所以厚吾兩人者不在昔年而在今日也僕十年前蒞寶豐與楊笠舟尊甫鏡湖大兄有金蘭之雅適笠舟選刻中州詩鈔以書招佐其事今歲之來亦夙緣也抵館後卽詢閣下消息得知今歲授經石家窪去笠舟家僅三里而近嗚呼奇矣方僕應笠舟之約意謂去復禮鄉不遠得以不時晤聚已覺出乎意外乃近而彌近奇而更奇默默中果誰爲撮合耶意其間固有前定者歟然僕所以與閣下款款懇懇者非第在徵逐之末而更有相喻於微者在也閣下以磊落之才淵博之學思欲以詩古文詞手挽狂瀾而衆寡不敵頗爲埋首帖括者之所非笑然笑之愈甚爲之愈力殆與僕有相同焉僕在梓里好譚詩古而性尤愛披覽鄉先達每以好

西華縣續志卷十三

文徵

一九

開封建華印刷所承印

看問書見讓僕謝之而弗辯也夫吾人幸列士林雖無主持風化之權斷不可無主持風化之心卽使空言無補而猶冀挽回于萬一况人生百年不過數十寒暑詎肯以千秋之業與世浮沈乎宋劉原父爲文醇雅有西漢風當時不甚稱之嘗歎曰百年後當有知我者至東萊編文鑑取原父文幾與歐曾蘇王並於是論始定請與閣下靜心以俟僕之所謂相喻於微者在此不然貴邑固多掉文之士而敝邑亦不乏較文之人奚必沾沾然於離合悲歡哉僕願與閣下集麗澤之益以講明絕學庶無負今茲之緣焉惟閣下實圖之

秋感

疊韻

瀧岡碑表久凋殘遊子不歸墓莫寒曾讀蓼莪涕淚每逢霜露怵心肝生前 誨聽猶記夢裏遺容見亦難底事長縈風樹恨祇因弱歲未承歡

鏡中不覺鬢華殘回首人情異暖寒論古有時形義憤讀書無處瀝忠肝功名福薄投閑得詩酒債多養靜難閱歷風塵三十載邇來自信耐悲歡

煨芋無由叩懶殘茶鐺藥臼一燈寒於人從不欺毫髮視已何妨見肺肝精衛尙云填海易媧皇豈慮補天難玉山藍水多清賞且學杜陵強自歡

周仲遠偉瞻卓然下第詩以慰之四首

知已何寂寥生平得偉瞻驚才真奇艷衆妙亦能兼千古文章在三年歲月淹近聞垂鍛翮
客恨忽重添

尚有卓然在何妨暫陸沈填胸羸恨壘出爨得焦琴颯瑟秋聲急蕭條露氣侵太元經一卷
陋巷好長吟

造物誠何意英雄竟失謀劉蕡常落魄李廣不封侯我有江潭恨君懷澤畔憂離騷忍再談
誰借酒千甌

劍氣弢仍見珠光露未真逸才今落拓大雅更誰親籬菊香初艷秋蘭佩自紉乾坤容我輩
搔首向青旻

九日聞家兄得孫口占四首以代家問

愁絕重陽近空堂對雨眠淒風侵病骨秋氣入鳴絃抱影吟長夜挑燈理舊編迢遙鄉國夢
百感正旌懸

昨讀吾兄札欣聞又得孫愁顏聊暫破客邸又生溫寂寞茱萸佩飄零菊蕊樽羈縻緣底事
回首鵲鴿原

爲辦青蚨去洗兒應舉觴微宗久衰薄此子喜康強三世墳篋具我周繼序皇無忘揚祖德

西華縣續志卷十三

文徵

二

開封建華印刷所承印

晚節正含芳

寄言逾九日當卽賦歸與已念衣應授兼聞爨久虛情牽兒女累心結友朋疏風雨縈懷抱
黃花發舊廬

京邸同成都李翹然送張偉瞻歸里

嗟爾才名久鵬搏此倦飛燕京今判袂蜀客共沾衣萬里浮雲滿千秋壯士違擊筑聊一送
辛苦未同婦

秋夜同申亭偉瞻送莊珮伯歸江南限韻

話久宵眞永更殘絮失溫聞君理歸棹使我暗銷魂霜冷孤帆影月明何處邨蓴鱸秋已暮
別緒不堪論

九日雨中同人集明月梅花草堂

得陽字城字

落月迷秋徑寒花綴草堂傾樽來舊雨攜手况重陽霧重楓林暗風高旅雁翔茱萸好紉佩
白露欲爲霜

去年當此日濁流繞荒城漠漠桑田改嗷嗷鴻雁鳴乾坤仍我輩風雨聚孤檠與爾須同醉
莫辭鬪酒兵

甲戌暮春自都門與曼叔十一兄別已十年癸未冬初喜晤武昌行署感賦二律

道脈濂溪舊家聲篤祐新吾兄稱忽突余降及庚寅風雨鴿原共雲霄雁羽振循名應久勵
早晚達楓宸

回首京華聚分攜已十年從知春草夢常在郢門烟七澤風濤闊三湘雨露綿彈琴理清話
江月照澄鮮

舟中感懷

獵獵朔風起遊人意若何濃雲匝天地客路渺關河蓬鬢凌霜早家山入夢多孤舟眠獨夜
攬衣起長歌

聽雨愁長路聞雞憶草廬悔余學書劍使子廢耕鋤千里歌彈缺何年賦遂初會宜返棹早
秉耒事新畬

和郭桐淮贈別元韻

飛霞下遙空青山明積雪客子理歸帆使君弭絳節行行陟旗亭握手惜遠別雅意何殷勤
翻覺客疏闊嗟余汗漫遊跡踪真飄忽千里鼓棹來彈指已三月豈不樂鶯鳴詩酒愁客豁
況以素心侶知己情可竭奈此人事牽坐惜歲芳歇含情聽驪歌莫雨蘭舟發纏綿故人心

西華縣續志卷十三

文徵

二二

開封建華印刷所承印

澧水流汨汨蘭芷自芳馨松柏有真契

遙望崧梁山風光來咫尺回睇鳴琴人警欬倏已隔憶別倚孤蓬夜雨聽蕭瑟
歸棹謝雲山俯仰遙相楫亦知良會難誰言別更易人生本萍合所貴意無斲
千里此心同豈在形與跡貢禹志彈冠毛義傳捧檄道義果浹洽貧交礪金石
而我車笠盟君儼念疇昔勗哉翟公箴古道猶赫弈去去湘水長扁舟載吟客

岳忠武祠

鄆城縣志

褒忠祠宇傍城隈禾黍秋風志未灰千古英雄同涕淚當年社稷底蒿萊中原戰壘今猶在
激水明裡事亦哀北去黃龍三萬里悲雲匝地幾曾開
咽恨湯湯激水波旌旗父老望如何功成甯惜一身死君聖無妨臣罪多草勁詎堪衝鐵騎
雲昏猶夢渡黃河青衫弔古情偏切羸馬西風忍數過

張登邦善哉行

黃鵠避蒼鷹乃誤罹于羅雄鳩何佻巧睨視笑且訶履道本坦坦一蹶卽風波寄言謝雄鳩
鷺鳥方更多鳳凰良可託逝將巢崇阿

班婕妤

葵藿耀晨葩偶被陽光眷
陽光忽已息輾轉不相見
幽意同秋草蕙質委空幔
良辰懷舊恩靜夜思新譴
統扇棄誠宜瑠瑩辭非慢
皓月照明眸涼颼拂清嘆
賤妾何足論願君勉宵旰
長相思

長相思思何苦乃在蒼梧之野
浦江聲日夜愴人魂重瞳不歸
恨終古二女攜手來衫衣在
何許淚洒湘江竹竹上成紅雨
千秋月冷江中水環珮隨風聞
幽語蒼梧之野亘九疑帝子
來兮百神隨剡剡揚靈不可窺
長相思湘江湄

空城雀

野雀雙羽輕飛飛向空城
城中積陳粟躑躅食復驚
何人彈金丸啾啾正哀鳴
高廩多碩鼠日夜方縱橫
盜君粟更多君意若甚平
長空努力高飛掣倉粟雖多
寧爾設卽爲爾設爾豈屑縱
復飢餓聊自若一飲一啄宜
自度君不見空城雀

短歌行

君不見精衛誓填東海水
羽翼沾濡飛不起由來志士
多苦心稽康幽憤賈誼死
丈夫努力垂竹帛勳業難成
頭易白誰憐李廣不封侯
共笑楊雄猶執戟摩一劍將
安之朝發蒼梧

西華縣續志卷十三

文徵

二二

開封建華印刷所承印

暮崦嶷飢鳴不用腐鼠嚇
鳴玉楊雲從此辭

怨歌行

蛾眉生小能傾國天然絕代
無修飾素嫺禮法善矜持
羞將歌舞逞顏色宮漏沈沈
鈴索語夜長隱隱聞簫鼓
石花廣袖日光明白紈團扇
封塵土幽意空託擣素辭
回憶承恩不勝悲昭陽殿裏
多歡宴應笑班姬辭輦時

秋雨呈恆山先是恆山以新詩見示

淡雲挾疏雨颯颯過林梢
薄暮多秋思松竹日蕭騷
雨聲雜落葉危枝擊鳥巢
征鴻鳴遠浦其羽正翛翛
之子坐高幽齋懷託素毫
惠我一卷詩何異瓊與瑤
我懷九秋霜君才八月濤
漫興

旁風上雨子雲居一室何能
事掃除藥餌豈堪驅二豎
蘭茝祇是怨三閭驪黃牝
牡寧關馬南北東西俱戲
魚莊叟有言非誑我物之
壽者不材樗

示居燮

昨夕見汝擬古詩每作奇語
能超軼老至方知少者才可
憐詩是吾家物敦厚溫柔其
效捷性情風雅元交涉淵明
兒不好紙筆宗武翁教數鵝
鴨學詩莫作面牆人夫子文
章可得聞

不然卽學岳家雲手提鐵椎八十斤
雛鴉

自愧無豐翮奈何便遠飛離巢多弋篡到處盡危機返哺心誠切擇林志竟違南枝猶可戀
風定正宜歸

野園

誰謂野園陋疏狂性頗宜家貧難結客久病漸通醫種樹資鄰果覓蔬剪圃葵非關慕高潔
時慮素衣緇

寄內

羈客眞無謂淹留又幾旬每逢深夜月偏念倚樓人鬢點愁中雪顏消鏡裏春無煩重屈指
歸計決霜辰

冬夜漫興

霜冷風初勁雲寒日易昏雪深長礙路屋破不成村花竹疏三徑牛羊聚一屯有懷殊曠闊
寂寞與誰論

西華縣續志卷十三

文徵

一三三

開封建華印刷所承印

送周恆山凌申亭暨家弟偉瞻北上

春風偏解促登程接軸同吟北上行暮宿幾回憑落日曉征何處傍殘更要知別後身還健
信是愁多夢易驚此去燕臺消息好時清應不薄儒生

感懷

我亦孤身冒百艱感時撫事易淒然自非長袖何能舞縱少知音未改絃日月滔滔文有崇
江河滾滾士無權怪來諸想隨緣盡一問逍遙秋水篇

鶴埕

鶴埕惟愁雨鳩巢不費柴詩多謀野獲言復見卿佳原憲貧非病劉伶死便埋好風聞鳥語
高臥卽無懷

秋日招丁敏吉周恆山飲

疾馳怒馬縱蒼鷹檢點西風病未能蟹紫柑黃同一醉秋聲已徧豆花棚

秋意

秋意生庭樹輕雲罩暝烟砧聲與蛩語並落晚風前入夢添新鬼長愁迫暮年心情撩亂甚

搔首倍淒然

木蘭詩

嬌女誰家不可憐鐵衣忽著戰窮邊木蘭豈有男兒相謾盡同行十二年

張遠覽碑幢聞見錄序

余自童子時見舊藏金石之文卽喜而玩之不忍釋手然不過愛其字畫之妙文詞之工耳年來殷勤探索較曩時覺稍稍有所得于是取耳目之所及者筆爲一書命曰碑幢聞見錄誌實也遠覽不敏旣乏博文強記之質又不能以一介書生轍環天下冀有所遇於山巔水涯廢宮古刹荒塚故苑傾台敗堞之間第性之所喜不可移易且獲讀歐趙之遺書究家藏之故帙竊取舊聞參以已見而錄之如此此豈敢叨真能好之之名也哉雖然亦可以自信其用心之勤而非徒愛其字畫之妙文詞之工而固爲是皇皇者也蓋此事有關於史者深矣夫一代之史不能人人載之卽載矣又不能事事載之以金石文誌之往往補史官之闕則古人不幸而遺于史猶可幸而見于金石也平居緬想古人雖不能至心向往之古人不能長留其身以與我相見而功勳銘之鐘鼎懿美寫于琬琰思其人而溯洄無由則每于荒烟蔓草之中而想其精神于殘碑斷碣之內世代遙矣尚可脉脉相通也日月不居風霜蝕

西華縣續志卷十三

文徵

二四

開封建華印刷所承印

剝卽金石之貞又不能以久留旣不克使宇宙閒仆者扶之理者出之壞者補之唯力之所能盡者止此區區詢問考證之勞而爲是皇皇縱不敢謂搜之精而稽之確其亦未始非好古之誠者已嗚呼昔歐陽文忠趙慎甫諸公慮古人遺蹟之久而湮也而集古金石二錄著有明趙子函繼起刻意尋索以補歐趙之所無顧歐趙所錄至子函時已大半無矣卽今去子函時才二百年吾知石墨鐫筆之所載又有不存者而武林顧氏之記秀水朱氏之志至今且近百年則彼之所見所聞者能保其一一無恙耶是錄也曷敢期于金礫石枯卷帙常在第不揣僭越浪費翰墨或者欲自附前賢之後幸不爲諸公所訶而賦性鈍弱徒能用心于斯又自愧良多也

賣鏡說

有農夫餓不支匍匐于河之涘將自沈也觸于物聲鏗然視之鏡也因懷之復匍匐于市市人以百錢易之朝拂夕拭兢兢焉炫于龍斷之間觀鏡者肩相摩莫不咨嗟稱嘆無敢問其值也遙望見士人來迎呼曰噫是識此者士人則申指而圍之把鈕而彈之引照而三吸呵之曰何如曰欲幾何曰錢千卽予千錢以鏡去市人持錢歸詫于農夫曰吾得若鏡而利十倍若寧無悔疇昔農夫曰噫吾何悔夫吾以三日不食而甘就溺焉猝得鏡易百錢而吾遂

以生苟稍緩須臾不遇子異日卽有持千金以相求者將索我于黃泉之下况人有能有不能吾農夫鏡雖佳不能炫也子能炫而遇士人將士人之所以用此鏡者諒又非子之所能然則吾之得百錢而子十倍又何詫焉市人愧而謝之于是士人剪古錦爲鏡襲剖美玉爲鏡函因奔走假輿馬僕騶冠裘甚都與鏡俱西數千里而詣長安之令見令語言進退無不如令意令大喜曰吾固嘗聞世有所謂名士者此其是乎一日令自述其先之貴顯者以詫客士人隨亦述其先士人固令之通家子也愈益親而遂傾其舊所館客初不言鏡也而顧時時置鏡于几案間摩玩之見人輒藏匿而令已竊窺之一夕閉戶秉燭自把鏡反復玩且嘆息令突排以入見鏡色動曰何從得此尤物士人則仰而吁俯而泣下令大譀不復問而意益疑以語他客客因問從容問曰主人愛先生鏡問何從得先生泣下何也士人曰嗟乎主人博物而好古者也昨見吾鏡意固愛之而吾固欲奉之然而吾有悲焉昔我先生席公卿之蔭擁金不貲顧性好古物苟當意其所以酬之者往往過其望是以海內稱好古者歸焉然坐是貧他物皆散去而此鏡尤寶惜故吾出入必與俱且主人亦安知鏡之所從來乎此鏡者是故明朝廷歷代相傳之法物也鄭貴妃用事竊以予福王周王艷焉使狗盜竊得之河決開封周王倉皇中以鏡繫侍者臂曰雖危急勿失鏡及王去而侍者汨浮於波浪中

雖深入而前有光一縷指之遂得陸鼎革後侍者猶在開封先人聞而訪焉詢其鏡固無恙乃以千金易之今欲奉主人是先人之所寶魂靈猶憑依焉欲不奉則主人之恩深且重方不知何以爲報而固靳其所甚愛之區區者傷先人之心辜主人之德是以泣也客以告令令念吾上官新納妾大寵凡有贈其妾者勝奉已今此鏡信寶也吾以寶贈其妾則所以報我者豈但千金哉翌日大張晏令服公服奉千金長跪于士人之前曰先生苟以某爲不足交竊敢請先生之重寶士人則陽驚曰眞欲吾鏡耶隨泣下嗚咽不能語旣而奮曰吾方欲以死報君鏡復何惜雖然吾不忍親以鏡予君也其飲吾酒俟醉而君自取之更揮其金曰烏用此令如其教取鏡去而以金實篋中士人乃閉戶探金出權其兩數其鏹復一一撫摩之至達旦而令之妻者貌殊寢知令以千金買鏡也曰吾聞寶鏡千年照媿成妍乃飭婢具湯沐施朱粉畫眉盛服當軒而引照焉大怒詬曰掌大一銅了無所異而弄人千金誰爲賣鏡客者卽擲鏡于階碎之率婢數十各持挺出擒士人跪數之挺且下士人戰栗叩頭流血哀呼曰賤子罪宜死惟夫人幸赦諸他客皆爲跪請曰若固有罪然名士夫人幸垂慈乃曰吾金安在士人曰具在此傾篋而還之令之妻曰咄名士速去好讀書勿更日夜思人金士人叩頭曰不敢忘夫人教乃哭而返途中餓則歌以乞食歌曰長安之令兮吾已凡幾逢兮

逢令之妻吾道窮兮嗚呼天平吾術固已工兮歌甚哀聞者憐之多予之食比返里而疇昔始得鏡之農夫耕且獲方健飯

古歌

風吹繆繆不可開憂來傷人誰使之來天何爲有春有夏有秋有冬忽忽其窮火知熱水知深中心氣結不知傷心與其爲神仙不若爲金石神仙應有憂金石不可及

行路難

八首錄二

壯士寶帶佩吳鉤西斬樓蘭封通侯朝率健兒窺牧馬夜接詞人賦壯猷新第初開鬢已皤舊壇久廢趾猶存戰髀自拊憐金甲遠夢生還入玉門君不見趙充國老去屯田猶獻策君不見班定遠西域功成身未返壯士豈無故國情蕭條夜半起邊聲悲歌未闕涕交橫仰視列宿正宵征

佳人彈箜篌音響一何悲悲音遏層雲征人那得知自我與君南浦別寂寞韶芳日消歇花枝柳絮怨春風錦衾角枕羞明月初聞登岱過鄒魯又傳度嶺登岫嶮繡陌惟知游冶豪春閨無奈別離苦欲往從君莫奮飛商颺颺吹黑雨

陰陽有迭代

十首錄二

西華縣續志卷十三

文徵

二六

開封建華印刷所承印

丈夫有遠志矯矯不可干鐘鼎固云樂裋褐聊自完昔者段干木君至乃逾垣當其獨處時豈不憂時艱水深更火熱奈何媮以閑泣盡璞不剖身窮節則全道傍有腐鼠過者垂其涎志士在溝壑孔子奚取焉

在木爲鴟梟在沙爲狐蜮在禾爲螟螽在人爲讒慝言必飾爲誠巧以合其跡既可幻風雲不難誓天日愚者不之欺智者反相德我欲竟此辭我言不敢長君今且安坐明日起高翔怨詩行

燦燦朝開花雙雙夜飛鵲枝枝自相照聲聲自相索佳人賜歡愛歡愛殊不薄我思贈佳人琅玕光灼爍火齊綴翠羽珊瑚榮跳脫申之青玉案重以金鑿落佳人居何方浮雲蔽高閣區區一寸心明明千金諾崇岡騁長望玉音何寂寞上者爲星辰下者爲邱壑兩美慕信修奚爲然疑作我有鸚鵡杯願君同斟酌我有鸚鵡裘腰帶稱君作佳人來不來踟躕向寥廓

劍客行

黃皮縛讎金盤陀雙丸騰躍擲銀梭朝馳岷崙暮碣石千里萬里無留跡昨日聞有不平事今日且試千將利斬佞誰能請尙方除奸那復關司隸人間負心何其多手抉肝腸看如何翩如秋隼橫空去銀河耿耿疏星布

早發邯鄲

薊門北望路漫漫才渡濁漳意已闌最是疏星共殘月照人扶病過邯鄲

居孺殤寄家兄

九歲同君痛早孤十三祖母又捐吾問君血淚知多少哭到童烏尚有無

憂可傷人須自疆與君何策慰慈孀牛衣相對舒眉夜宛似昨宵已十霜

兒之生也家兄有詩云
牛衣相對夜藉此一舒

眉

居孺哀詩

竟爾成虛幻沈疴未許禳十年爲父子一夕異存亡童穉曾何罪聰明豈是祥寒宵惟飲泣
垂白有慈孀

貧賤緣吾慣飢寒賴母慈貽災偏到汝此別更安期爪髮傷心語參苓忍淚持瑤筐留綉襪
那信是長辭

孤生何蹢蹢身寄百憂餘阮籍元多痛揚烏又不居垂死猶呼父吾家何負渠莫談慧偏早
自惜有蘭鉏

西華縣續志卷十三

文徵

二七

開封建華印刷所承印

吾父捐吾日今過二十年時余方九歲慈母累三遷授室同茹苦生兒益自憐痛深翻愧汝
先我侍荒阡

大梁弔孟子賦

歲次於柔兆困敦兮余方游夫大梁獨蹢蹢而蔑儔兮踐零露之灑灑感今古之浩蕩兮慕
前哲之餘光維孟子昔眷乎此邦兮曾惠然而肯來瞻遺踪而宛在兮入祠廟而徘徊先生
既已不可作兮敬就几筵而陳辭蓋聞大運之不爽兮王者五百年而必興乃天人之互舛
兮龍雷屯而不升業方枘而圓鑿兮歷百變而不懲懷大道以周流兮何仁義之能膺青黃
白黑之不分兮世皆醉而獨醒江河滾滾以橫決兮虎眈眈以噬人藝蒿蕪以三嗅兮摧梧
櫟而爲薪伊惇惇以孤立兮顧欲挽頽曦而東還路狹而駟駭兮曾不慮覆其文軒人情莫
不好逸而惡勞兮夫何先生之不殫煩閉戶其亦可已兮心胡忍而能安身不用其何傷兮
願上安與下全苟世無待於予之區區兮亦何必攘臂於其間當吾世而不信兮脩吾業以
待賢尙微言之不墜兮燦如日之麗天然而水深火熱以觸吾目兮何以拯其顛連空言第
成其獨善兮心蹙蹙焉竊抱憾於千年甫陳辭而未竟兮日曖曖而將夕秋風颯其四起兮
落木與哀鴻相薄時乎不可以久留兮趾欲移而頻卻情戀戀而不忍別兮恍惚焉而如聞

太息豈先生而猶在兮何呼之而不余諾旁俎豆而躑躅兮忽不知涕泗之何從嗟余生之已晚兮悵時世之不同惟冥冥之不寐兮冀神魄之可通今先生其長寢而事畢兮已不問斯世之何如余生俛俛而無適兮抱恨恨而幽居憫羣言之蕪穢兮攀大道而脩迂苟一息之尚存兮竊黽勉而不渝後先生已千祀兮恨往者之不見余尚其哀余之孤弱兮胡鑒其誠而導其愚及年歲之未晏兮恐朱顏之易秋采芙蓉於江上兮攀杜若於芳洲性齟齬而寡諧兮彼龍斷又不忍求數往來於大梁兮紛總總其莫速橫中原以遐覽兮吁何其所見之悠悠時登城而北望兮見大河之奔流眺砥柱而不覩兮心冲冲而繁憂恥浮名之慳惚兮羞大川之罔濟雖自顧而無可恃兮私所齎而安悔鬱邑以嬋媛兮何人心之多忤望靈瑣而迢遘兮馳龍鸞而無路蘭狃昵以媚蔓兮鷹便媚以狎兔先生其亦謂之何兮夜漫漫而將誰語吾駕其不能挽兮別夷門而南去

馮靜宇墓表

馮君靜宇既歿之十年孝予承之乃克葬君於其高曾祖父之兆明年乃稽顙於余以請表其墓意哀且誠於是爲之表曰馮君諱欽止靜宇其字父會五子君第四生而英爽料事即多中見者以爲奇童援例爲太學生非其好也事親謹兄弟敦篤既喪父伯兄又仲季又侄

西華縣續志卷十三

文徵

二八

開封建華印刷所承印

病室家飄搖而君莞然獨支其間卒以無虞歲饑盡以所儲粟給其族又糴粟於汝南散給於里黨見有男女相持而哭問之鄉人李蘭賣其妻也立爲贖還之先是人有貸無不予一日盡焚其券曰吾老矣止一子他日不令索債也君聰明而多識星歷推步兵刑占相卜葬之學無不究而尤邃於醫問疾填門風雨昏暮無不卽爲診視以藥囊從慮有難得之藥急莫辦也君疾革呼其子曰己矣囑一言以爲利之心爲義則義無不行以從欲之心從善則善無不就勉之而已君生於康熙五十三年十一月四日卒於乾隆五十三年二月十六日年七十有四其葬於嘉慶二年三月二十六日以兩夫人祔皆王氏子令聞太學生爲其兄安國後今承大事者太學生承文君所謂止一子者也嗚呼君以殊異之姿不羈之才橫逆螫害沓至頻撻堅忍刻苦以濟於平而優游暇豫以考終命此不足爲君悲獨其心怵惕惻怛而不見於事其意拆衝摧暴排難解紛銷鬼蜮而掃讒邪而不得其施以至於如朱家郭解之所爲亦一不能爲氣抑鬱而莫伸情於邑而誰語顧僅以區區爲善於鄉聊俛焉以修馬少游之行卽鄉里所翕然稱之第皆其浮踪末跡卒無有能知其真者此足爲馮君悲也嗚呼此孝子所以用心懇懇必求余文以爲之表也

蕭麟德高氏族譜重序

高氏箕城之望族也其先出於山西洪洞復分居於太康扶溝子姓蕃衍數有聞人在吾邑者村堡以十數共呼爲鹽場高云十五傳曰景明者先曾祖母之從弟也自其九世以後纂爲譜牒先武陟公爲序而付之梓於是四十年矣生齒日繁原板又毀於兵燹其族人謀重刊而續修之旣成屬言於予族之有語所以敬宗收族夫人而知之而予則重有感者數年來戎馬蹂躪井里流離不獲聚族而處賴國家威福大難削平甫經還定安集而高氏諸君乃兢兢於族譜之爲急可不謂之知本歟子與氏云人人親親長而天下平鄉人涵濡化澤幸際綏豐伏臘歲時與其父老子弟過從燕飲時復檢其譜牒謂某實出於某某實爲某後考世系之源流數高曾之軼事轉相告語欣然爲樂斯其風俗之厚又可知也予嚮陋有愧家學讀先公之遺文惕然滋懼愈不勝箕裘弓冶之思竊援此義與諸君共相勗勵是高氏之有以啓予也矣

李衛公聞虬髯客爲扶餘國王與妻張氏瀝酒遙賀詩以誌喜

扼腕中原事業空汾陽橋畔憶英雄爲卿眷屬應呼舅遲汝勳名已作翁雲水十年遊子夢舳艫千里大王風瑤觴瀝酒君知否海外爭傳不世功

羊脯酒杯憶舊遊頭顱還我志先酬馳驅驢背興王業傳授龍韜佐帝猷文靜對棋曾失局

西華縣續志卷十三

文徵

二九

開封建華印刷所承印

道人畫策定封侯男兒慷慨平生事贏得衣冠拜冕旒

凌去欺潁陽河辯

鄙人屢控各憲云西華有潁陽河上接廬義溝下達史家湖可瀉黃甫岡西一帶積水考之府縣志華邑並無潁陽河名色又考扶之廬義溝起于廟頭寨亦名廟頭溝逕北關龍橋轉東門濠畔長約十餘里深廣三尺二尺不等瑣瑣者不啻行潦入城東南隅三里池而止三里池者元人養魚供祭所也池南至華境四十里寔無尺寸溝形以資宣洩惟入華境八九里紅花集左東西有隄二道西曰消橫堤東曰潁陽堤二堤相去幾二十丈南北十里並行略似河形其上下分走上首如簸箕下首如八字並非若河之兩堤對照一律到尾也敢詳陳如左消橫堤者民築以護田禾始于關口村岡下東南里餘至紅花集折而正南十里至消橫村折而正西五里至劉馬莊折而正北五里至光武廟岡下而止狀圓而微方有小口仿髯椅圈其名消橫堤者以其環消橫村而名之也潁陽堤者官築以衛城郭所謂護城外堤是也始于賈魯河西岸之王家橋正西二里至紅花集折而正南十里至消橫村折而東南六七里至清流河堤而止狀長而微灣酷類翻弓其名潁陽堤者以其在潁水之北而名之也鄙人強呼曰河豈知州縣村鎮皆可以某陽名獨河不可以某陽名何以明其然也從

來山以南爲陽水以北爲陽彼州縣村鎮之以某陽名者以其在某山之南某水之北而名之如歸德在睢水之北而名睢陽修武在大河之北而名河陽王城在洛水之北而名洛陽陳郡在淮水之北而名淮陽義各有取爾也若旣已河矣猶以某陽名何所取諸故同一類陽二字也以之名堤則文從而字順以之名河委齟齬而難安鄆固文獻邦也豈眞懵懵于此耶抑但思假借附會而不顧耶

劉保貞窰災竹枝祠

三十錄五首

電將雷公共雨師灌壇令去力難支事綠神女歸東海莫怨封家十八姨

姜太公事

萬斛泉源日夜添船桅欲挂塔雙尖錨將軍出齊呼救都買新香洗手拈

丈八溝連尺五天人從樹頂學撐船撈禾不比撈明月舊事休題李謫仙

未明縣長卽查災一葉舟從月下來填海恨無精衛木捫麻欲共小民抬

公子調冰覽杜詩成從雲黑雨催時今逢夏雨添清水因上棠衙譜竹枝

小窰本古清水縣

凌甲煊西華縣古保存所徵啓

竊維要紀方輿郡縣志悉根往籍錄傳集古金石家始列專門史記以來陳韜最舊冠世八朝郡會媧城夙在郊圻頌六七作聖君殷廣今猶赫濯慨自滄桑屢變經行但見黍離致令

西華縣續志卷十三

文徵

三

開封建華印刷所承印

文獻無徵考據終嫌草略問辰陵故址聚訟紛如撫子爵新銘遺文邈矣碑幢聞見墨華擬續桐公鐘鼎標題朱印知爲藜老祇爲缺於保護不知漸卽銷亡近如高邑古章開皇造像曾以得觀是幸旋驚無翼而飛况乎風氣益開流傳靡定遠歸海舶商人旣不惜重貲徧覓山陬野老亦頗知昂價裒令志失而竟得已斷石紋洛神賦去不復還倍珍玉板陶齋編錄僅存國有之名陸氏書樓徒抱人亡之憾可勝嘆哉某等景仰前徽願襄盛舉堂開存古仿邢大令之遺規事戒擾民鑒唐昭陵之覆轍城是何年修創碑訪平臺縣經幾度分更橋題清水蘭亭慎守莫教冀北羣空柳壟傳譌直等齊東語野鄴侯架如雲已散翰墨留芬米家船何日能來圖書設館所期鴻筆探陸城箕采而還更覓龍文溯禹鼎湯盤以上

擬左太冲詠史八首

錄二

鳥死緣求食魚獲因貪餌卓者賢達流軒冕若敝屣辟世豈忘世見義情難已救人急難中不復道姓氏有德卽望報其心抑何鄙古人不可作懷想空徒倚

京師多顯貴甲第何巍然朱軒駕駟馬炫耀衢巷間馭吏醉汗茵奴婢服華鮮委巷有老儒衣食恆艱難歌聲出金石而無終窶歎鬼瞰在高明民心屬聖賢齊景與夷齊貧富迴相懸借問柏寢高何如首陽山

詠史二首

曹魏議遷都荆州亦空虛連營七百里不若早防吳
孫權亦漢賊呂蒙復何誅我懷魯子敬卓識冠東吳

漆園弔古

莊子墓在城南莊子舖北

南華何事在西華父老傳聞得未差井里蕭條荒古塚逍遙遊罷只烟霞

李武愍公絕命詞刻成謹賦

白首重吟棣萼詩每懷先友淚潛滋

先大夫長公九歲又與介鐵帆先生昆仲同官相契今兩家久不通音問矣

一門輝映兼忠孝萬本

流傳供沫胙如此結纓無量壽至今聽磬有餘思瓣香遙望神詞祝世毓良臣佐盛時

諸葛武侯籌筆驛賦

客有歌蜀道駕輶軒寄遙想於千秋以上弔忠魂於五丈之原既經沔邑遂至廣元但見夫
山荒樹老亭古烟昏羽扇化鶴石梁嘯猿路人告余曰此諸葛武侯籌筆之驛雖陵谷變遷
非復舊蹟而浩然之氣則歷千萬古而常存者也維當日之棲遲豈知音之希少雲在獄而
將興草出山而非小慷慨梁甫之吟淋漓出師之表願上會以涓埃終還親乎魚鳥留遺恨
於人間知何時之能了望故壘而下拜兮願學公之運籌靈恍惚其告余兮微澹泊其焉求

西華縣續志卷十三

文徵

三二

開封建華印刷所承印

誦心書之一卷兮託足迹於九州雖巴蜀之偏隅兮迺有籌筆之驛與籌邊之樓欽兩賢之
偉績兮相輝映乎千秋感名士之彌艱兮知天命之不猶維古驛之岩嶢夸曾駐筆而沈思
雖英雄之已遠兮尙魂靈之戀茲呼文禕使草檄兮命子龍以授辭秉直筆於春秋兮庶奸
魄之能褫駕翩翩之風馬兮迴獵獵之雲旗豈丞相之去來兮乃乍信而乍疑東吳兮北魏
中原兮鼎沸銅雀飛兮臺荒環錙平兮草蔚維諸葛之遺蹤等甘棠之蔽芾歎思計之心勞
草軍書而辭費瞻遺像於驛祠猶凜然而生畏方蠹字兮疲神又焠烽兮照眼入西秦兮思
景略過東里兮弔子產感歲月之如流恨英雄之有限洒熱血於紅塵託微情於綠簡歌曰
落日過荒驛秋風望草廬帷幄兼閫外子房草不如陳壽何足責涑水筆亦疏於嗟乎伯仲
之間見伊呂風雲常爲護儲胥感斯人之不作聊歸去兮讀書

張傳經四時郊行

同文

郊外歷遊遍欲春路逢難識問行人茅編屋下花爭艷水浸堤深柳吐勻拋剪燕飛頻下上
弄簧鶯引漸柔馴敲門向與隣朋約嘲解擬無更苦貧
林園寄興覓芬芳遠近郊隨與日長深淺點溪荷葉小複重緣徑菜花香襟懷闊際薰風爽
意語延時夜月望斟酌自兼山與水尋幽雅句好裁量

秋深賞伴約遊行景換芳郊極覺清洲吐白花蘆放淺岸飄紅蕙蓼垂盈留賓雁字排天過宿樹鴉羣向暮迎稠密減林楓落葉由來寫畫與詩情

雲烟到眼接時殊淡雅吟詩入畫圖聞雁唳天飛塞遠化龍蟠嶺秀松孤氛氳氣襲梅香鶴歷亂痕添雪影烏紛緒萬無縈意念芬含酒味醉提壺

頌朱貞女

浪淘沙

好德豈沽名大義分明誰知秦晉總寒盟烏未投林先拆翼恨滿江城嗣續撫何如讀父成書青燈奮勉勛三餘膝下含飴還畫狄教養兼儲博得姓名香冰雪衷腸自來潛德發幽光車馬盈門客滿座介壽稱觴美譽慶堂皇辛苦親嘗平生心跡托繁霜道路宣揚聽不厭齒頰流芳

閻茂棠題趙伯颺戰績

天荒地老白雲飛當年將軍裹鐵衣勒馬盾頭時磨墨新詩露布一齊揮游戎世代家臨瑞少小雅負冲霄志磊落昂藏比傲曹涉獵詩書輒強記門衰祚薄徹骨貧窮途洒遍英雄淚英雄落拓走天涯偶到長安便爲家爲官傭書棲蓮幕奉親權借筆頭花蹇淹一跌復再跌班超翻愁鬢欲華高楫謝絕毛錐子手提三尺奮袂起咤叱風雲寄雄心祇圖封侯於萬里

西華縣續志卷十三

文徵

三一

開封建華印刷所承印

吁嗟乎角逐疆場辛苦力朝在河南暮湖北血漬戰袍陣雲黃馬嘶殘壘關月黑子龍勇略胆包身慷慨拚將身許國大帥錄功列薦章頭銜更番承帝敕先俾闔守續游擊淮陽荆關撐半壁最後團練屯周濱賊虜莫敢犯風塵一夫當關傳玉照流民遮道祝如神劇憐宦海風雨惡李廣終須讓衛霍將軍垂垂老灞陵勳名難上麒麟閣以此憤激起悲歌轅門澱岸竹枝多詼諧多傷人心險直將風謠挽山河不磨寶劍日吟詩張顛醉後愛臨池生平嗜古每成癖讀遍漢碣與秦碑藏弓兆讖泣秋隼年未花甲將星隕卞和抱璞淚萬斛我今讀詩猶爲哭丈夫一生竟如此空餘兜鍪與殘鏃肯構賴有嗣君賢孝親信友一身先雷雨蛟龍待遇合行見英聲繼當年性之與我總角友新詩百篇酒一斗不怕窮餓日高歌豪情直欲鞭石走陳雷締交共魂魄愛我知我真肝膈先人手澤什襲藏珍重屬予題詩册自愧書生才力薄全豹未窺大手作口角流沫染楮嘗似過屠門而大嚼鐵板唱向大江東橫槊豪吟一何雄此特將軍緒餘耳親自執戟題雕蟲一世英烈仗刀鏢儒將風度自蕭間君不見雅歌投壺祭征虜又不見緩帶輕裘羊峴山祭征虜羊峴山游戎鼎峙於其間偃旗投戈罷鼓鼙猶憶酣戰玉驄嘶兵鈴文藻稱兩絕至今執筆難爲題揮汗題罷付性之爲語性之好護持他日採風登太史樂府應譜將軍詩

文徵外編

漢溧陽長潘乾碑

明呂榮重修東嶽廟碑

向燕麟芥孫園雜稿小引

洪元平 六園剩語自序 藥餘跋 芥孫庵稿跋 長平小引 重修紙房橋記

楊安辯方寸地說 房居 九日集董校尉歡飲 釀雲樓

介錫齡 重修廟學碑記

張文耀 重修觀音寺碑記

陳揚列 金粧閻羅神像碑

何承裕 王鳴岐四十初度序

劉拱辰 洪範九疇考略序

陳浩 李生琢璞哀辭

史瑤卿 採蓮篇代閨友寄外

高釗中 循孝贈言集序

西華縣續志卷十三

文徵

三三

開封建華印刷所承印

張鑑堂 壬午春正月四日登西華城觀賈魯河有友人同遊賦詩見寄走筆和之

趙完 留別士民十二首錄六

王新楨 祭凌保生文

韓葆謙 西華實事誌感十二首

漢溧陽長潘乾碑

溧陽長潘君諱乾字元卓陳國長平人蓋楚太傅潘崇之末緒也君稟資南霍之神有天德之絕操髻髦克敏 學典謨講詩易剖演奧藝外覽百家衆雋挈聖抱不測之謀秉高世之介屈私趨公卽仕佐上郡位旣畢

金石萃編作

孔武劄著疾惡義形從風征暴執訊獲首除曲

阿尉禽姦豸猾寇息善歡履孤竹之廉蹈公儀之絜察廉除茲初厲清肅仁義之風脩

之迹垂化放乎岐周流愛雙乎 親賢寶智進直退慝布政優優令儀令色獄無呼嗟之

冤掛無叩凶之結矜孤頤老表孝貞節重義輕利制戶六百省無正繇不霄自畢百姓心歡官不失實於是遠人聆聲景附樂受一廛旣來安之復役三年惟泮宮之教反失俗之禮構修學宮宗懿招德旣安且寧干侯用張籩豆有陳發彼有的雅容 閑鍾磬縣矣於胥樂焉乃作敘曰翼翼聖慈惠我黎蒸貽我潘君平茲溧陽彬文赳武扶翼御經 刈馘雄流惡顯忠咨疑元老師賢作朋修學童冠琢質繡章實天生德有漢將興尙旦在昔我君存今卽此

黽艾遂尹三梁永世支百民人所彰子子孫孫俾爾熾昌

明呂榮重修東嶽廟碑記

太祖高皇帝龍飛淮甸混一區宇稽祀神之典定百神之祀乃頒明詔曰嶽鎮海瀆自有天

西華縣續志卷十三

文徵

三四

開封建華印刷所承印

地以來皆英靈萃而爲神者至於唐始有玉皇之謚瀆禮不經莫此爲甚今依古定制去其前代封號止封曰東嶽泰山之神然而天下皆有行宮者何也蓋其神天下所共尊者雖其常主東嶽其散而爲靈者無乎不在亦無乎不之也而所在所之有行宮豈非以此也耶吾郡西華小窪鎮迤東約二里許有廟曰東嶽卽其行宮之基址也然又不知自於何代何人託始創建嘗聞之有繼修者得片石碑於土底上有宋欽宗年號如此則宋前之有是廟者不知幾千數年矣謂之曰古刹蓋信然乎哉迨至我朝弘治辛亥居民劉山王琰張孜朱真劉萬章等見其基構不宏規模狹隘不足以妥神靈壯廟貌迺謀諸天寶宮住持道士李一順擴充改作然又意以修葺嶽宮固所以致敬天神矣然而力量淺薄烏能修哉又募於鄉民耆友各輸財費以副助之是歲先建正殿三間以位東嶽聖帝次建東西二殿各三間以位東嶽聖母左右司各二十四間以位從神鬼判前爲門三間安龍虎二將後東北爲殿三間居炳靈公之神紙樓設於殿左所以爲香火之便垣牆築於周圍所以防內外之虞至若庖廚 室靡不具舉其制度有矢棘翬飛之勢其修飾有金碧交輝之美其軒昂有凌雲干宵之勝帝坐以壯神威以重視昔大有加焉工訖來吾屬記刻石以示永遠吾問是神又弭火菑捍大患於法宜祭之况泰山之神乃造化之正神能興雲雨能 山物能取財用以

濟民急德及於天下法又當祭者也今廟貌既新歲時祭享祈禱卽蒙其休何必遠登泰山之宮然後祭以獲福耶故劉公新其廟貌非直爲觀美而已蓋亦有見於斯也是爲記
向燕麟芥孫園雜稿小引

余嘗從先大夫南北遊未束髮輒嗜古文詞知傾嚮大雅先大夫命之曰孺子嚶嚶自喜好竿者謂何日減其制舉藝十年來鵬運無力冥鳴望虛一披海內聞人製刻到快意處覺活活欲舞迨遊燕邸晤長安貴人一觴一咏相爲攬結得大饒益遊梁達西華隆隆聞六如金先生接先生氣韻性識翩翩若仙傾蓋抗手成千載心期未幾得先生憲伯大老製刻已領略先生世澤出所爲長平小史芥孫園諸稿一切沈澀小言則以遠神淡語率意之中自然皆韵自然皆律七言五言長篇短字一鼎一鬻競秀爭奇若爲湖山出像爲泉石寫照抽毫斥思多牢慄冷致於無景中見景而人不可卽也尤善老莊精談元理氣吞金馬石渠暇日扣芥孫園祇舍郊西別墅緇流詞客畢集擁臯比青衿少年圍繞叉手諦聽鳴道覺人建樹甚偉芳陂橋樹邊左攬右眺多奇羽異植人代風雅事一日而有之安謂世間無揚州鶴耶矧茂齡上第慶胄宦裔能不作貴倨色象頻發爲窮愁壹鬱恥爲富貴焜耀人操螯弧命令當世片言隳落衆人隨而譁之所謂播間祭者一秭提醒千古大夢三復令人悽愴動魂無

西華縣續志卷十三

文徵

三五

開封建華印刷所承印

論河以南卽金馬玉堂之上誰兩也丙寅夏日刻芥孫園稿成謬以小引屬余余不佞人非貴仕安有高才第世外孤緣鐘情更甚而聲音之理人人能淫昔有人坐池上鼓琴者調及蕤賓蕤賓鐵躍之出氣相感也余不佞亦池上蕤賓鐵者敬速盛美於前以終重委先生將起龍潛而快鵬運矣必有爲之作太上次托不朽者余敢冒知音歟天啓丙寅秋巴人向燕麟頓首書於西華之且止亭

洪元平六園剩語自序

洪子籍于陳遷于華之南之河干茆屋數間水田五十畝洪子鞅掌與遊自號鳩柴病客病客白髮種種食不充腹衣不蔽體圖書香爐蕭然環堵屋東有睡睡有草閣閣有東山安窗焉近可以俯川遠可以望陳蓋惟是陳有老親自爲壺隱而未遂與病客俱也且先壻在宛丘下者雲樹歷歷病客時于此獨上而一倚其笠也孤迥哉閣中客也親密者友無儿過唱和者指無几屈由是忿匪花蠲愁匪酒破肝腸顛鬱似有不喻之旨情事撥撩若爲不平之鳴病客遂不覺露其損逼矣然雖擊缶相杵野人弗自見醜實不得入絲竹耳也乃阿所好者謬取而傳之傳之矣其過而問夫藏山藏海者之消息耶嘻嘻病客者其志隱其聲銷將其語亦猶剩之也夫

天啓丙寅歲處暑日序

藥餘跋

余生宛丘幼習太皞圖則卽不省其奇青衿聞止修學于豐城徐匡岳老師亦不省其奇乃師事澱川隨銘翁友苦縣崔飢仲史嚴君竊向慕其學然已白髮亂出猶裹龍頭老講走十丈老塵今且病矣生計既拙上有老親下無兒息水濱長住怛怛心動初考穎卽得友理寒石先生寒石家淡約學博奧居喪有禮鄉黨稱孝示余所著藥餘余伏枕讀之神爲肅病爲霍再四讀之泫然涕也悲從前歲月流浪理道無聞忽焉已四十有五假不假我數年寧不負此良友乃妄加評語如猜謎如發覆自分卑闇豈敢測吾友深微惟吾友終教之不然雜撰不急非君子所貴影逐無益矢志士所圖羲畫猶此千古汝友何以一朝也

天啓四年細暑

既望冷川漁父友弟洪清畫題後

芥孫庵稿跋

余性貪幽寂隱几一庵去縣僅十五里而終年不一入二三同調只詩郵往還耳頃雨後伏中如秋懷人情劇迺策蹇訪金舜俞于芥孫園好友咸集時理寒石讀書龍池聞余過縣亦攜其所藏書畫就余品題開緘余爲之應接不暇其賞識大都以生韻爲勝後于筭得鈔冊

西華縣續志卷十三

文徵

三六

開封建華印刷所承印

焉則舜俞所著芥孫園稿也稿數種曰箕城曰瓜譚曰惆悵曰碎錄曰附錄余一披之俄神往俄涎墮俄嘯咤俄冷沁俄歎飯半日間神情屢遷寒石曰之骨董也子曷品定余曰箕城雜紀使人神往摩詰輞川圖也瓜譚使人涎墮右軍分甘圖也惆悵集嘯咤曷啻十洲摹古碎錄附錄其冷沁處曷啻米顛拜石長幅其歎飯處曷啻冷漁報扎卷子總之冷水澆背陡然一驚不則雕繪滿眼祇令人臥矣陳眉公曰漢書不如史記宋畫不如元畫疎密之分也一疎一密生死攸判吾何能有違情之去取

長平小史跋

世宙惟濃易盡惟淡無窮易盡者生前已自奄奄無窮則旦暮千古矣是故橫金握玉躍馬嚙肥者不傳而菜微行歌帶索披裘者傳夫豈橫金握玉躍馬嚙肥者之與草木同盡哉卽草木亦自有不易盡者斷不以其濃華曜艷也吾友金舜俞兄饒有奇躄每相士於富貴客之外薄一切時蠹而歸元淡一日以所著小史示予夫長平小史寥寥無可羶悅其心賞而咀之不厭者冷川漁父而外能有幾人而舜俞且自咤曰斗大箕城傳此已足非徒以其奇幻也謂淡也無窮也有如不信曷往觀女媧城之古株

重修紙坊橋碑記

聞之河渠深曲不厭遠橋梁截跨不厭近西華縣東南偏有紙房橋去東郭橋才里許而人不能舍此趨彼便於近也取便于近未有不因循苟且者是以雖極朽塌猶趨趨前雖橫獨木猶逡巡渡雖至墮殞傷肝破馘猶弗裹足垂戒也甚矣小民之便目前而忘遠圖也便目前者即傷生不顧忘遠圖者即一錢不捨故王者徒杠輿梁之成利則因民惠則不費政復於此處提之醒促之爲耳紙房橋不可考其始矣在昔南山胡公重修而民便矣後馮夷作虐而橋圯萬歷以來即不無修補旋即頽廢者力未同也崇禎元年十月胡伯儒爲卷疏與陳當可商焉當可曰橋近縣是亦守土者事曷請之令公曰可遂印其簿首其施之德也荆子以石工而釋椎鑿事奔走不避嫌不辭勞實與善人崔公俱所謂方便利益不頓私心行者非與橋不一月而成龍姬虹覆車馬流通行者歌遊者憑快已快已橋之左伯儒氏林泉在焉予喜其便於過從也而志之至於諸善士之助成者是宜記之碑陰

楊安辯方寸地說

羅大經著俗云但存方寸地留與子孫耕指心而言也三字雖不見於經傳却亦甚雅余嘗作方寸地說其辭云

或謂方寸地有治之法乎曰偉哉世人固有無立錐地者亦有兼都跨邑者有無貧富相絕也惟此方寸地人人有之歛之其細無倫充之包八荒備萬物甚矣其地之靈也然此地人人有而治地之法不能人人施雖有此地而蕪穢不治者 故孔子孟子治地之農圃師也六經語孟治地之齊民要術也良知良能隱惻羞惡辭讓是非

西華縣續志卷十三

文徵

三七

開封建華印刷所承印

嘉種之誕降者也博文約禮仰觀俯察求輔仁切憇之功資直諒多聞之益培糞灌溉法也時時習日日新 室屋漏守之密視聽言動察之精封殖長養法也忿必懲欲必窒情必警輕必矯無稽之言必不聽便佞之友必不親芟雜鉅芸也優游而厭飫之固守而靜俟之不躡等不利計獲迺宋人之不擅郭稟馳之善種樹也誠如是則信善而大化篤實而輝光通神贊化乃實穎實粟參天溜雨時也治地若斯可謂善矣道家有寸田尺宅之說養生引年者取之里諺有留方寸與子孫耕之說種德食報者取之其言未爲無理要尚墮於一偏若從孔孟治地之法仁者必壽善者必福清明之志氣如神厚德之流光寢遠道家里諺之說在其中矣雖然是地也嘉種固所有惡種亦易熾其或誤機械棘爲美檟認稊稗爲良苗則天之沃沃惡種日見其猥大而嘉種微矣噫嘻可懼也哉然則如之何曰在蚤辨

屏居

屏居曳杖獨盤桓抱影支離強自寬短缺干人無是處長鑱托命有餘酸十年生計僧行脚半世功名水上灘回首滄桑徒悵望長安萬里路漫漫

九日集董校尉宅歡飲

幸無風雨阻重陽團坐花前共舉觴一葉已看坡老醉回筵爭笑謫仙狂高懷每愛芝蘭秀秋味同分橘柚香手摘黃花簪短鬢新詩我欲和柴桑

釀雲樓

予書齋名

杜門十載謝交游不覺蕭蕭兩鬢秋自笑近來添癩病東風怕上釀雲樓

清介錫齡重修廟學碑記

己未夏四月余始承乏茲土莅任之三日恭謁先聖禮畢詣倫堂歷覽廟貌學宮雖弗壯麗亦未頽懷但其位置不無舛錯余心竊疑之時廣文兩先生以考試赴郡訪諸會講諸生諸生爲余言曰向者廟學亦將頽懷掌學李先生莅任後請於前父母劉公倡率捐脩是以至今十載當覺整飭至於位置制度李先生亦常言之如名宦鄉賢二祠在倫堂後箕子祠前尤其失之大者久欲改建力弗及無如何也余聞之心竊自思曰某叨科名一行作吏恭逢聖天子加意右文書院義塾猶且飭諭修整以廣作人之化豈職司守土而於興賢育材之地可聽其舛錯也哉自是每接紳士必諄諄言之越明年鄉飲正賓李君大耀獨力捐建二祠於戟門之外其他猶欲徐及未幾已捐館兼以頻年水旱相因賑務惟艱公私交迫余亦有志未逮甲子秋成後歲計頗豐人力稍舒前之整飭者至此亦漸凋敝正欲及時修整而藩憲趙公檄飭已至余遂會同兩學謀諸紳士除竭力倡捐外擇其勤勵者分路勸捐練達者協力董率各盡乃職而其工成矣是役也捐三百金而李君大耀之孫監生慶悅獨輸其半殿廡戟門聖域賢關凋敝者易舊而新泮橋學門制度狹小則擴而大之至於倫堂宜在西華縣續志卷十三

文徵

三八

開封建華印刷所承印

廟西崇聖祠宜在廟後櫺星門宜用木柱捐金已盡勢難備舉移易盡制與廟學並垂不朽仍俟之賢有力者是爲記

清張文耀重修觀音寺四殿碑記

蓋聞紫府清都須達布祇園之金蕊珠玉虛梵剎燃不滅之燈所以茫茫彼岸須乘寶筏以問津渺渺浮塵尙借金燭而開焰然而龍宮象塔匪屬天成白馬青鴛皆緣人力苟其革故而重新自當載筆以誌銘西華縣治南三十里舊有觀音堂東連淮徐西襟嵩洛四達通衢也神像廟貌巍然爲一邑巨觀商賈士夫遊覽題咏稱盛蹟焉但年遠歲久風雨鳥鼠毀傷未免傾圮損折善士柳哲住持僧如存慨然大發願心募化四方擅那量力捐貲重修佛殿六祖殿天王殿金剛殿鳩工庀材約費百餘金閱數日落成煥然一新可以受神且以壯觀彌天願火原從竺國西來泛海路長亦折蘆花北去傳言龍象大力負擔佛法良不虛耳惟是集寸縑成文錦覆一簣爲丘山賴茲衆力共結善果爰刻石誌用垂不朽

陳揚烈金妝閻羅神像碑

從來明則有禮樂幽則有鬼神禮樂備而可訓可行鬼神靈而弗聞弗見然爲微爲顯道豈有殊而事鬼事人理本無二天地神祇而外隣里鄉黨之間匹夫有爲善之誠因心生象衆

庶多待興之質緣象警心思器宇之光明不忘素以爲絢課繪工以黝聖惟冀敏則有功西華南柳城閻王殿者北望長堤賈友恆濟河之地東臨粉堞戴平仲禱雨之鄉田高土厚木茂泉潔境內無惶在當日原多善政社中有廟卽今時甚有淳風存好賢惡惡之心惟是人民和樂鮮畏敬奉承之所尤資善信捐施况夫關節不通包龍圖曾加此號亦且死生異路韓搶虎願有其權不亦烈乎伊可畏也考其創建之年殘碣尙有綠字稽彼重修之日新碑具有赤文爲楠爲宋度材則榱桷杞梓中規中矩取象則歧矢鳥翬然棟宇雖崇而威儀禾備禍淫福善何由著其聰明修吉悖凶無以覘其正直是豈聲靈之丕振而寬猛之交形者哉於是土木之工旣竣丹黃之事遂興召良工命大匠展其彰施之技盡其粉飾之材和藥而取方諸頒點睛之手勾疏而開靈瑣寧邀誤墨之人長康則善寫維摩惟新可矣導則工摹地獄庶幾返之香界重新俎豆增葱蔥之色金容再煥棟梁藉弈弈之光應知刑暴鋤奸不是天親面目須念佑賢輔德猶存彌 心腸口時畫者散雲霞之彩粉地增輝斯人動懺福曰自廣於於而至恍如法眼臨身貿貿然來不啻金人入夢淵淵其鼓也三揭大類於禰衡烏烏者其歌也一曲幾同乎楊惲屈膝拜稽於堂下鞠躬匍匐於階前欲消切已之災大命用丐長生之路更有餘慶某襄邑鄙人宋州猥士未舍耕於名勝恆口援乎生徒昔

西華縣續志卷十三

文徵

三九

開封建華印刷所承印

從遊者趙凌宵用囑託落成之句今 者石國幹亦慇懃弁首之文於以揮毫不辭讓陋值此雲衣初爛爲言盛事權輿若令電日常明自有法中龍象

何裕承王鳴岐四十初度序

道光壬寅季春

裕承

由川北校士旋省暫息輪蹄值同鄉方伯徐公奉命旬宣來蜀謂

裕承

曰

君知吾鄉有全天王牧其人乎

裕承

曰夙契清標諗聞懿德蓋不自仕蜀始矣公曰然則今

年二月爲鳴岐大兄暨德配陳宜人四十初度謀偕鄉友寅僚爲文以祝非君奮藻棲毫不可

裕承

曰善哉舉乎予固樂爲引而伸之者也予維鳴岐大兄大人爲太原之巨族出梁苑

之高門治譜傳家經籊紹世鰲辰馳譽銅儀玉樹之文綺歲迎賓銀杏金桃之對尙義比華嵩更重視財較簞籜尤輕制行若銅采善如菽邑啓翹才之院則助以翬飛諸生之業彌勤鄉創義學之居則資以膏飫蒙養之公益倍至於愆陽有青洪潦告臻當事勸捐首先倡舉聲情義激慷慨風生起餓者於翳桑萬姓樂通腸之米甦哀嗽於中澤四方歌續命之湯他如累積之錢散親友則一日能盡不落之酒留賓朋雖累月不空適館媿美乎鄭風燔衢儷榮乎齊券惟其力敦任卹斯能宏集義聲故知作善降祥數必不爽修德獲報理有固然始以職授部郎待銓魏北繼則官改州牧選莅蜀西蓋居能薰良於鄉出必溥利於俗是以牽

絲入境露冕觀風絃調宓子之琴治法蕭何之律非霜自肅得雨皆甘牛脫佩而朝耕雉忘羅而春乳禮賢興學戢盜防奸懸愛日以爲心駐陽春而有脚無漸白水共信青天小民競頌夫神君大府交稱爲循吏頭銜待轉上考洵登恰當屯政需賢特重長才借箸行見夔舞巴歌之俗盡被薰陶獐花玃鳥之鄉咸知禮讓嘉聲鸚薦懋績鴻鸞殊恩從沛夫溫綸報最定遷夫峻秩宜人出自名門于歸華胄珩璜表度三黨奉爲女宗蘋藻承芬一門推爲內則際此春深碧海喜祝懸弧更當花滿天池又逢設悅卿雲炳煥龍光兆心簡之麻竺祐綿延象服叶眉齊之慶值彩籌之四甲燦德曜於長庚開樽迎田客三千桂馥蘭芬還占維熊維羆之吉夢屈指數易衍五十華封萊綵再祝爾昌爾壽之嘉祥爰書所悉以爲侑觴弁言云

劉拱辰洪範九疇考略序

洪範九疇自漢以來孔氏安國及劉氏向歆父子班固皆以爲本於洛書魏關子明宋邵康節諸儒因之至蔡氏元定承朱子遺意著洪範皇極內篇以發明陰陽之理奇偶之數而其說益定然後世之爭相辨論者不無互相牴牾讀者疑焉予宰箕城一載未週痛遭先君大故邑人士咸相弔唁情詞真摯至而哭泣者幾千人蓋親予如骨肉矣旣又以予交代羈留不能卽日奔喪呈請主講衍疇書院固辭不獲遂於壬子之春擇日開館予維箕臺相傳爲

箕子衍疇舊地登洪範之堂領諸生瞻拜神主不禁景仰時切因卽宋儒陸子九淵之講洪範於荆門者錄示諸生并屬其傳示鄉之庶民俾知吉凶休咎隨感立應務各遵道遵路會極歸極因而受福藉以補在任時政所未逮而諸生領受之餘講貫服習復以衍疇之義相質且求證諸家推闡之說予闕昧寡陋毫無知識曷足窺古聖人深文奧義惟漢儒宋儒以迄元明諸前哲其持論互異有未經御纂所收入者竊有以攷其略焉因備述之其卷首冠以河圖俱遵御纂不敢稍有增益也夫形而下者謂之道形而上者謂之器道寓於器泥於器以求道則窒而鮮通而道晦器根於道本其道以驗器則研之無窮而道明洛書器也洪範道也器卽數也道卽理也數不足以盡理理未始不可以該數也一而二亦二而一也兩而化亦一而神也以盡萬物之變以觀萬物之通斯已而已矣必區區於章句爭相聚訟謂洪範本於洛書而何以神禹未明其說箕子未原其始孔子之繫易亦未釋其詞且載九履一左三右七二四爲肩六八爲足核與九疇之數雖符而五行五事八政皇極三德稽疑庶徵福極多牽合附會而未盡合謂之洪範非出於洛書則自古制度多以九數而疇亦列九適與洛書之奇耦相合何也易有云河出圖洛出書聖人則之伏羲本河圖而畫八卦固已而洛書更於何徵其則效乎且自秦火灰爐古籍多不可考安知伏羲之所誦不少有參差

古壁之所藏不稍有滂漫乎諸家所見各有不同不必盡求其合蓋以道之大源出於天無窮盡無方體有未易形容其妙也是在通天人之學者心領神會窮神達化默有以參其治法心法之旨以究其造化氣數天理人事之微因其器以求其道本其道以審其器不泥乎數以求理亦不執乎理以棄數觸類旁通與道大適斯謂得之耳錄既畢并弁數語於簡端

陳浩李生琢璞哀辭

李生成玉字琢璞陳州西華縣生員奉其父命來學於大梁書院時母憂未除終三年未嘗見其飲酒食肉笑言者歲中惟除夕一歸省越元日遂行余善其居喪能中乎禮見所爲制藝或僻澁不合程度時引而教之生乃曰某非不欲爲時人之文苦性拙不耐俗耳他日入其齋舍見所攜書數十篋多周秦漢魏間古文間取說苑越絕書扣其辭義余嘆曰子信非俗人也生性孤介非會講不出門限諸同舍亦與罕往來然能濟人之困有緩急者亦時賴之其讀書深且刻勵持論多出常解外往往掩卷歎歎若有所鬱而不能紓者余方閔其勤而憂其意之不廣欲有以開之而未能也旣而瘍生於肩領久不瘥歸未數月而歿乾隆二十五年八月也妻趙誓死守志以弟成錦之子某爲之後余時適以家事北歸乃來而生已踰月無以舒余之哀乃就聚處時所見聞者書以傳之且系之以辭曰生來學兮兩期日沉

西華縣續志卷十三

文徵

四一

開封建華印刷所承印

恩兮古文辭惟昭質兮無虧待其成兮異時羣英兮共席相切劘兮晨夕胡桐葉兮易凋嘆秋風兮遽迫耳不聞兮書聲雪霏霏兮盈尺莫悲兮身後弟有子兮妻能誓守行無忝兮庭幃誼不忘兮師友

史瑤卿採蓮篇代閨友寄外

湖上誰家採蓮女雙槳划來約儔侶明妝艷質競輕盈羅袂飄飄風前舉花深亂入紅香渚花動蓮傾聞笑語花出清漪不染塵花氣芳心兩相許花嬌尙亞春風面花羞輸與東鄰倩祇見遊人驚妾姿未聞人向荷花羨涼颺瞬息褪紅蓮妾貌今年減去年芙蓉歲歲開依舊鏡裏容華不再妍持花只唱鴛鴦浦郎隔橫塘和樂府一曲長吟未終雙垂玉筍花著雨採得蓮房淚沾臆素心苦似蓮中蕙郎前試擘荷莖看莖離乃有絲牽密秋風紈扇芳時過迴文空負當窗織此愁恰似水悠悠此情彈向湘靈瑟吳山嵯峨越江深擬山擬水結盟心山色山光終不改祇怨人賦白頭吟

高釗中循孝贈言集序

高釗中 項城

循孝贈言者怡堂凌公宰雄縣任承其先中憲公志築隄衛民民思慕而詠歌之集以成帙者也憶同治初年余識凌公於京師耳公靈壽治績媲美陸清獻公嘖嘖在人口閱歲再入

都道出固安見公隨侍中憲公北河司馬任昆季怡怡靄然儒生若不知曾任劇邑者又閱十年復晤公於河間官署諗公禁黷詰奸若神明乃知大才所展布迥非馴謹儒生所能及也又閱二十年余自滇差旋途次近畿則人之詠凌公隄者哀然成巨集蓋公之歿已十稔距公蒞雄之日將三十年矣雄爲中憲公舊治民之戴之如戴慈父母公之治是邦一秉庭訓愷澤人人淪浹肌膚斯隄之成所關尤鉅故民於去後勒石追思復詠歌之至於沒世而不忘也當夫春夏之交楊柳漾風芙蕖映日十二橋頭文人韻士釣遊攬勝而公車之輻輳征軺之往還脂牽憑眺相與流連而倡和之亦盛矣哉昔蘇文忠公治杭築隄西子湖上游其隄者發諸吟詠慕公之文章卽以公姓姓其隄千百年來湖山爲之生色不知賢者之心因地以爲保障所以捍錢江之浸灌而六橋宣洩之上裨國計下利民生初不徒資點綴而壯觀瞻已也人謂斯隄之成公以清獻之清且上媿文忠之忠抑知公橋梓皆賢後先濟美際遇之盛實軼前人惟中憲公能以民心爲心公復能心中憲公之心以洽乎民心前作之後述之故曰循孝也今者公之令嗣叔炳明經由丁酉萃科入應廷試益信清白之吏必有後人作善降祥方興未艾明經又將出爲名臣推不匱之思以迪前人光也謹以弁此贈言者持以相贈明經其所勉哉

西華縣續志卷十三

文徵

四一

開封建華印刷所承印

張鑑堂壬午春正月四日登西華城觀賈魯河有友人同遊賦詩見寄走筆和之

西華城上百尺樓凭欄四望碧雲收暮色朝烟萬井稠中環一水繞郭流西引長堤望扶溝北流直向海東頭虹橋三面半空浮數帆迤邐盪輕舟棹歌聲起晚風柔閒宜白鷺靜宜鷗君不見葛仙石洞瀉靈湫天光雲影至今留又不見箕臺森立植梧楸夜閒清誦讀九疇春水綠波幾經秋旋來復去自悠悠三篙軟漲起汀洲野園籬落徧城陬芙蓉出水四圍周此行先作錦官游攜客登臨樂未休檢點詩囊載酒籌把酒聯吟迭唱酬開簾忽見月一鉤百年天地一浮漚萍蹤何處緬前修有脚春風林外投無心流水澗邊幽一番清興滌人愁留作新記記陳州

長平官廡有石榴數本結實最繁枝格頗盛皆艷稱之感而有詠因以索和

榴花豔羨祇因紅相到皮膚總未工桃膽梨鑽渾不似百千赤子在胸中

趙完留別士民詩十二首

錄六首

暫權三月信孚難撫字催科兩未安我媿宜民無一善何當交口說清官

折獄深慚不察明但分曲直必持平豪強務去鄉愚恤寬猛無非偶得情
胼胝誰堪卒歲勞况知正供重絲毫忍同黷吏滋煩擾一任橫征到爾曹
珠磨隨琢賴經師養器須知要及時第一史書儲萬卷疑今察古廣才思
下帷發憤豈無人膏火難敷只伐薪安得割田增額獎梗枿杞梓植斯民
長平豐歉最難平秋雨低原便不成儘有希文遺法在祇因庖代未能行

王新楨祭凌保生文

嗚呼我兄竟溘然逝耶念自五榴分襁倏逾十年欲再謀面竟慳於緣去歲六月奉讀手書
知兄臥病將次痊除何期一朝竟成千古可無一言藉傾肺腑嗚呼我兄生長世家爲貴公
子不慕豪華淡泊明志枕肱經史學問淵博文名大起蜚聲鬢序登拔萃科滄桑忽變滿地
干戈杜門不出著述等身表彰前哲搜刊遺文自賞孤芳彌敦晚節菊香松茂傲霜凌雪廉
泉讓水嘯傲其間衡泌樂飢不愧西山嗚呼我兄同年舊友十九已死未免有情傷心不已
聊書此紙以當酒漿臨風懷想泣下數行嗚呼我兄斯道流傳一綫未絕天下滔滔更與誰
說意則無窮言盡於斯我兄有靈庶其鑒之嗚呼哀哉

題西華三先生集

西華縣續志卷十三

文徵

四三

開封建華印刷所承印

西山薇蕨自生香秀挹東籬菊有芬至味千秋嚼不盡總留一部大文章
韓葆謙西華事實誌感詩十二首

書生年老未知兵團長頭銜信有榮良莠不分收部下惹人攻擊第三營
草滿荒畦麥滿塍清河驛路水清澈大家莫笑崔都護此後何人試創懲
可憐陸地已行舟大雨傾盆尚未休萬馬奔騰如一瀉老門潭外水橫流
三面環城賈魯河習陽堤上水平過笑他狐鼠猖狂甚狹路相逢莫奈何
匪氛西至甚披狂三里村前鬪戰場差幸少年能禦敵英雄從此看翱翔
龍勝溝畔老窩西一片烽烟望欲迷爭說將軍天外至雄師緩緩渡河隄
經營慘淡有王郎村號青年模範鄉太息紅羊劫運到教人那不恨茫茫
不分貧富盡無家小醜跳梁亂似麻兩字喊錢齊送到龍池頭北是紅花
匪首王孫袁與張齊來盤踞立樓岡孤城坐困無聊賴犒從還須酒猪羊
興風作浪慣招尤月旦鄉評孰馬牛獨上西關橋上望秋聲嗚咽水東流
最危險處已安過一髮千鈞竟如何漫說四圍風浪靜幾乎平地又生波
長平七月費支撐百計籌防爲守城三次解圍真徼倖天心到底最分明

記青年村

西華第四區孝武營距縣城西南八十里民國九年村人王拱璧新自日本游學歸慨然以救濟農村爲己任首易村名曰青年以新觀感創設青年公學自任校長籌集公田百畝並捐自己私產三十二畝建教室宿舍職教員住宅九十餘間佔地十五畝運動場三區佔地十二畝次第設立完全小學高初級若干班男女補習學校若干班初中簡師職業各一班並設高等補習夏令補習夏令體育夏令自治等班先後畢業學生共五百餘名此外附設師生農林試驗場一處桑園二處種湖桑六百餘株以爲改良本地養蠶之預備並約請富於農業經驗者爲農事顧問講述改良農作養畜蔬果林業養蠶養蜂磨粉製飴木工鐵工漆工種瓜裁縫烹調等常識對於改良社會事業則聯合附近農村設有自治會農會讀書會演說會同業會販賣團毬子團音樂團勸學團撲滅害虫隊捕蠅隊新劇團燈謎社等而於勸導剪髮放足及禁吸鴉片水菸等尤爲切要對於鄉村保衛事宜則集合本村壯丁學打靶習拳捧編爲民團晝則業農夜則輪流防守並與附近磚橋冷飯店三里橋譚莊等處保衛團聯防取守望相助之義辦理數載頗著成效距民國十五年秋突遭土匪襲擊數年來慘淡經營之青年公學青年農村盡付一炬嗣因環境逼迫一時未能恢復而其偉大規